

冶開鎔



天宮用治祖語錄四卷今唯
得其上冊三卷乃敏智老於
上海訪得此殘本余特影存
以備參閱也素園自記

冷開鎔禪師語錄卷第一

嗣法門人顯澈編

△法語

光緒三十三年

清光緒二十二年正月二十四日主席陞座。

師拈香云。此一瓣香。熱向爐中。端爲祝延。

當今皇帝聖壽萬歲萬歲萬萬歲。

皇后齊年。

太子千秋國泰民安。年豐物阜。再拈香云。此一瓣香。

爽向爐中。端爲祝延。滿朝文武閭郡官紳。進職加

官。高增祿位。再拈香云。此一瓣香。熱向爐中。端爲祝

延。十方施主。諸大護法。善男信女。眾居士等。福壽

公宗渡放

八陰修

日能初高
月見宗
百序如

增延富貴雙榮。再拈香云。此一瓣香。熱向爐中。端伸供養。西天東土。歷代祖師。再拈香云。此一瓣香。熱向爐中。端伸供養。天下宏宗。演教諸大善知識。再拈香云。此一瓣香。熱向爐中。端伸供養。本寺開山老祖。歷代重興。老和尚。再拈香云。此一瓣香。熱向爐中。端伸供養。磬山堂上天祖。老和尚。本支歷代祖師。再拈香云。此一瓣香。熱向爐中。端伸供養。上普下能法伯老和尚。再拈香云。此一瓣香。熱向爐中。端伸供養。上善下淨如公二位老法兄和尚。再拈香云。此一瓣香。熱向爐中。端伸供養。本寺前亡後化諸大

念真禪

泗水休

覺靈。再拈香云。此一瓣香。熱向爐中。端伸供養。諸山長老。同門法眷。祖道光榮。山門興盛。再拈香云。此一瓣香。熱向爐中。端伸供養。本寺頭座上座諸職事師。再拈香云。此一瓣香。熱向爐中。端伸供養。本寺執力運勞。諸行職師。閣院諸上座師。再拈香云。此一瓣香。熱向爐中。端伸供養。上定下念先師老和尚。用酬法乳之恩。歛衣就座。拈拄杖云。昔年罔覺。遭授記。直至而今。慚未休。眾後帮扶。猶抱愧。那堪立出眾人頭。清鐸自愧。身雖出家。心未入道。福薄德微。障深慧淺。雖則依眾行持。實是過多。功少。新正十二日。我

此命在

善兄和尙辭世座下雖是有人皆係抱道蓄德立志堅強不肯輕露所以諸山和尙及閻寺首領諸師慈意殷殷婆心片片承命清踰權居此位聞言之下慚惶無地再三懇辭盡未能獲只得帶垢含羞勉應斯命今者木已成舟餘無報達惟一點誠心虔祈諸佛菩薩歷代祖師重應塵世轉大法輪普令一切眾生情與無情皆得安樂齊成佛果雖然如是即今且道奉命登座一句又作麼生舉拄杖云看看此物從來極平常智愚凡聖絕商量今朝拈出供大眾惟願同扶古道場拽杖下座

未極乎

起龕師拈拄杖云輔創重興竭盡心緒先敢後念彌慙功圓行滿一笑去從此勛名振古今恭維

此心不動

圓寂法兄天甯都監高朗月公西堂大師秉願而來宏施利濟受心印於先師命根早斷發妙用於常住獨露真機行前人之未行得前人之未得護持常住三十餘載竭力盡心勤勤懇懇逆風也走順風也行縱使波浪驚天把舵不動分毫任從波旬蜂擾鎮定安然如故有時建彌勒樓閣法界賢聖開顏有時廣百丈田園十方禪衲生慶有時製船子之風有時效瀉山之牧般般具足事事豐饒祇有一着未輕露且

道是那_一着_良久云會麼。這是我法兄一生受用不盡底。若向這裏下得隻眼。方知我兄六十一_年前生本不生。六十一_年後滅本不滅。正當六十一_年住本不住。所以於不生不滅不住之中發最勝心。現有_事。今者功圓行滿。理極事週。劣弟同諸大眾恭詣龍前。熬一瓣香。奠一盞茶。敢云報德酬恩。聊盡送行寸意。且道起龍一句。又作麼生。卓杖云。大志大行大力量。瞻之仰之莫能及。倒騎鐵馬出塵寰。木女石男空嘆息。合掌云請。

分別我也悲悽欲斷腸。奉爲我兄了剩跡。凡軀燒盡換金剛。投炬便。

十有九兄
不此凡軀
盡接全

佛誕師拈拄杖云。世尊現世爲一大事因緣。諸大菩薩助揚一大事因緣。歷代祖師證一大事因緣。天下善知識演一大事因緣。一切眾生昧一大事因緣。現前諸上座師一大事因緣。又且如何拄杖子。忍俊不禁。出來呵呵大笑云。現前諸上座師已於過去不可說不可說最初威音王佛已前一大事因緣早已成就。卽今行住坐卧動轉施爲無不是一大事因緣妙用。何須更爲饒舌。治開聞此言說。目瞪口呆無言可。

對仔細從頭一一看來諸佛如是諸大菩薩如是歷代祖師如是諸大善知識如是諸上座師如是拄杖子如是乃至情與無情山河大地悉皆如是不覺和聲讚言善哉善哉正說至此真實不虛忽有傍不于者向云今朝慶祝佛誕一句又作麼生卓杖云如是如是靠拄杖下座

結夏師拈拄杖豎起云干說萬說無非說者個千喻萬喻無非喻者個千行萬行無非行者個千修萬修無非修者個從上諸佛轉大法輪無非轉者個歷代祖師單傳直指無非指者個乃至君臣回互賓主交參治國安家資生事業一舉一動一語一默無非是者箇所以道森羅及萬象一法之所印者個且置如何是一法放下拄杖云輕風影裏千花秀化日光中萬象幽大地乾坤包不住分明祇在一毫頭且道結夏一句又作麼生卓杖云直待九旬滿再與細商量拽拄杖下座

竹林寺掃淨祖塔師跪拈香云此一瓣香根盤乾坤之先葉覆十虛之表爇向爐中端伸供養淨祖恒祖廣祖雪祖字德輝和尚伏願爲雲爲蓋普蔭羣生復拈香云夾嶺峰高煙霞徧地蒼翠竹木綠映叅天四時花

開不斷通年流水潺潺此境祥中吉祥端然堅內彌
堅三代祖翁攝受五塔巍巍其間孫孫特來勤頂禮
數般清供一爐煙願視左右云無限恩光憑何報祖
山高聳萬千年插香便拜

雪祖定祖旭祖塔師跪拈香云此一瓣香古今不磨
虛空同久熬向爐中端伸供養法祖雪祖老和尚法
伯旭老和尚伏願爲霖爲雨普潤一切復拈香云此
一瓣香無枝無葉無古無今千聖見之眼枯萬靈顛
之腦裂熬向爐中端伸供養先師老和尚用酬法乳
之恩復拈香云不肖朽材腐質庸愚俗輩蒙先師於

念五年前錯留座下添瓶拭机掃地焚香念五年後
復蒙諸山法眷閣寺首領錯將不肖安置上座代眾
看門念五年前之錯猶自遮蓋得過雖是惹身腥究
在草裏坐念五年後之錯是真錯過通身沒處藏徹體
全畢露有短難遮無處回互惹得諸方笑不休四海
天涯招話墮帶累先師不能無過今朝親來我祖我
師塔前熬一瓣香莫一盞茶不敢言苦言甜祇得將
錯就錯舉香云惟願此際新條發撐天拄地振宗風
插香便拜

普祖塔師跪拈香云此一瓣香佛祖所珍聖凡共秉

燕向爐中端伸供養法伯普老和尚用酬垂蔭之德
復拈香云衝風破浪來登山入幽谷踰嶺復穿雲展
禮我法伯慈雲深處一塢松無縫塔羅千竿竹報汝
大眾高着眼共仰老人眞面目舉香云見麼藉此微
供養聊報覆育恩挿香便拜

解夏師拈拄杖云護生事畢自知週禁足期圓解袋
頭拂暑涼風輕襲體衲僧得意樂嚶嚶游卓杖一下云
布袋頭解開也一任諸仁束縛腰也緊俏草鞋雄糾
糾喜欣欣東去西去天台五台足有風景峩巒九華
更多幽致出一叢林入一梵刹叅幾位有道長老見

幾個特達知人說幾句家常淡話拈幾隻本分葛藤
隨處風流隨處自在雖然如是且道海納百川隨緣
不變一句又作麼生卓杖云青山綠水原依舊明月
清風共一家擲杖下座

禪堂上樑師執如意云巍巍堂堂獨露當陽寸絲不
掛萬象安詳有眼共見毫無遮藏踏破鐵鞋無處覓
得來全不費商量諸上座見也麼雖然了了目前要
且相應不易承平數十年幾翻當面錯過今幸廣東
鄭老護法暨本寺頭首內外諸師信力堅強驀然戳
破所以徹體通身畢露從此鍛聖鍊凡陶鎔佛祖頓

法苑珠林卷一
斷衲子命根頻開禪和正眼任從頑銅鈍鐵到此盡
淨消鎔縱使鐵眼銅睛也要從頭煉過且道具何本
領乃有如此作用以如意指樑云全憑者個無私力
蓋地遮天護僧伽妙用徧敷十方界法輪大轉萬千
年隨云升

起龕師拈拄杖云親近我兄整八年脚前脚後總相
連今朝罷竿收釣去後輩無依淚潸然恭維我善公
老和尚生平樸實不事虛浮仁厚寬宏慈悲已極慣
用無言之機頻示實際之旨義表天涯模範千古恭
維我高兄都監老上上一生慷慨勤勞濟眾心堅金

石志固山嶽卽俗境而達眞如處繁喧而證解脫二
諦融通三輪空寂今者兄弟二人及我法姪海印禪
者同賦還鄉曲調同歸大圓覺場弟弟清豁因語大
眾無計堪留有何言說祇得熱着一瓣香奠一盞茶
伏願常寂光中莫泯度生之念法界海內重揚利濟
之波速應塵寰俾眾獲益今者大眾齊臨恭送登程
且道起龕一句作麼生道烏語花香皆念佛人天悲
送上蓮舟請

善公和尚安位師拈香云者個處所三世諸佛住此
西天東土歷代祖師住此天甯諸位老和尚住此且

道我善兄老和尚住於何處捧牌一舉位云大凡高
着眼莫於其中起分別是故此處最吉祥便安
善公和尚入塔師拈土塊云一鋤發開舊面露出本
有真空奉爲善兄和尚端然安居其中掩土云今朝
近得親師住億萬斯年樂無窮展禮三拜
高都監大師靈骨入磬山建塔起龕師合掌云磬室
存心已多年幾番周折竟完全今朝親入磬山境倒
四顛三一體圓顧左右云倒四顛三且置如何是一
體圓大眾同念佛引導入深林請

入塔六十年空花已滅目前所遺何處安置捧龕
入塔云鑿破青山隱全體摩訶般若波羅蜜展禮三

拜

中秋師拈拄杖云解夏至今整一月泥牛奔境何曾
歇夾山磬山走一朝歸來又當中秋節佛法世法竟
全忘今日眾前將何說良久卓杖一下云有勞諸大
眾晚間禮明月如實奉伸別無言說擲杖下座
本郡王宅啟建水陸道場上堂維那白椎云法筵龍
象眾當觀第一義師拈拄杖云若論第一義向未陞
座前薦取猶較些子若到此時錯過久矣眾中還有
知得者麼如或未知看山野向第二峯頭展演去也

以拄杖打○相云十方三世佛無量諸聖賢六道諸羣品皆不離者個卓杖一下云以此供養諸佛諸佛爲之印可以此供養聖賢聖賢讚言善哉以此度脫羣生羣生悉皆得樂以此薦拔亡者亡者超生佛果雖然如是事是怎麼事人須怎麼人若無怎麼人難行怎麼事卽今人天眾前誰是信者良久云惟有本郡廷讚王大護法深明此事洞徹源底所以特特來寺啟建水陸普利道場七處結壇六時行道燒種種香散種種花燃種種燈設種種供誦種種經咒禮種種懺法上供十方諸佛中奉無量聖賢下濟六道羣

品情與無情均沾利益以上功德合集尙伸超薦皇清例封孺人元配姚孺人高生淨界併延山野登此寶座演大法義山野雖屬魯笨要且不負來機不免人天眾前出爲證據薦豎拄杖云萬仞峯頭拈將出內外無私心鐵石報與現前海眾知王公功德是眞實法界有情無量眾藉此功勛齊成佛雖然如是且道德配姚孺人卽今超昇何地卓杖云水流歸大海月落不離天魚水深情今已報同林淑意亦承宣芝蘭從此森森茂福壽康甯永綿綿擲杖下座封關師拈封條云一念信心興然起無邊功德悉從

生直至無上菩提果最始皆依信爲根今有本郡王
馮氏優婆夷敬發信心詣寺請立華嚴尊關禮請法
性大師頂禮華嚴尊經一字一禮三年功程遍游華
藏世界顯發無量勝因演揚普賢十大願王證入善
財所禮聖境始知百城煙水無限意德雲常在妙高
峯然後塵塵混入利利圓融方能事無礙理無礙理
事無礙事事無礙雖然如是且道卽今三緣會聚理
事齊臻畢竟封關一句作麼生道舉起封條云會麼
凡有所求一切事一一皆從此中圓便封

上堂師拈拄杖云樸質天然不繁華孤峯頂上獨開

花幽香清寂言難喻撲鼻還他是作家今有無錫信
士興祚秦大護法親覲此香恭詣天甯僧伽啟建
水陸道場人天共鑒供佛聖以濟三途眾苦大起幽
微宣一乘妙典演七晝夜功勛普利有情徇圓種智
上薦顯考高升蓮界併祈萱堂高太孺夫福壽遐
齡過化先靈同生樂國更祈後嗣永昌芝蘭茂秀今
者道場圓滿善果迥隆延請山僧重宣妙法我到此
徧觀大眾共植菩提各各至心人人具足添一毫不
得減一毫不得且道在甚麼處見聞卓杖一下云聞
麼豎杖云見麼向者裏承當功德圓成不向者裏承

當當面錯過復卓杖一下云明明歷歷絕疎親不容
擬議分主賓毫釐有差天地隔莫將黑白當眼睛因
齋慶讚一句又作麼生置杖合掌云恭喜爾素大護
法存沒兩安滿願遂心悉皆如意下座
貼單師拈單票云人人本有一片拈出大眾共見雖
然的是尋常豈可無前無後以單票示眾云天甯全
曰發揚妙義全賴諸師共契真如作麼生道是現起
妙義共契真如之旨起身便貼

結制師拈拄杖云今朝十月十五結制開爐打七位
位奮起精神人人志氣猛烈不管禪堂外寮內外氣
要劃一直踏未生已前方可安心休息卓杖云正令
全提沒疎親是聖是凡俱斬絕且道作麼生斬絕默
然良久下座

起七師拈香板云巍巍森森立兩傍直下細細聽端
詳打破舊時窟宅捉敗賊中之王擊香板云起
解七師拈竹篋云着肉衫兒脫去娘生褲子磨穿擊
開頂門正眼踏破脚下方磚雖然二七功圓須知更
有事在且道是甚麼事豎起竹篋云者裏時時要觀
切下座

上海留雲禪寺掛鐘板師拈板椎云者是靈山傳來

直至於今無一人不承其恩力無一人不秉持而住
煨煉聖凡陶鎔佛祖揀魔辨異皆悉於此今日破黃
面老漢第八十代遠孫密通承此重任暨法弟密融
宏揚大法却要天甯清銜當場發揚妙義仰賴現前
大眾共轉法輪卽今萬緣畢備理事齊週且道妙作
麼生發揚舉板椎云千聖有口讚莫及無邊龍象其
安祥擊板一下云法輪作麼生轉鳴鐘一下云會麼
鳴喚二下去龍天歡喜檀那增福源遠流長燈燈相
續

臘八師拈拄杖云無量劫來懣懣過祇知假事爲真

做忙忙徒逐空裏花不解通身全是錯所以世尊應
世拈破迷律示生宮示脫俗累示入雪山苦修示暗
明星悟道示轉法輪示度羣品種種方便種種權巧
無非爲令一切人揭開本有家珍得大自在而已今
者去聖時遙人多迷昧知恩者少負恩者多逐妄迷
真流而忘返天甯恁麼說話也是不識羞難免諸人
遺笑雖然檢點一任檢點且道不負佛恩一句又作
麼生卓杖云說行俱到尙非真妙擲杖下座
除夕師拈拄杖卓一下云茫茫不覺一年週內外勤
勞未暫休祇見事從眼下過不知全在此中收有者

道從朝至暮竟屬空忙實際理地何曾有爾有者道
二六時中語默默靜何處不是本地風光有者道動
也非動靜也非靜動靜不關超然獨脫有者道是也
不是不是也不是是與不是俱皆不是馳論紛紛各
異天甯一一看來許他人人各具隻眼何以故大海
若不納百川應倒流雖然如是今朝除夕內外上座
一年辛苦畢竟何以酬報豎拄杖云惟有者個無窮
極四海龍王價難酬普與諸仁同共樂從教何處不
風流靠杖下座

元旦師拈拄杖云三百六十日今朝爲第一九天瑞

光緒二十二年

氣隆一切皆大吉皇恩蕩蕩帝德熙熙雨順風調萬
民安帖卓杖云拄杖抽條丈二長剎剎塵塵齊歡悅
靠拄杖下座

解制師拈拄杖云不是有兮不是空外無邊表內無
中聞聲見色明明現何用驅馳覓西東如何是明明
現道理卓杖一下云者個是聲人人皆聞豎拄杖云
者個是色人人皆見不假思量了然畢現諸上座會
也麼悟者悟此迷者迷此迷之者向聲色邊卜度卽
隨聲色所轉故名眾生悟之者不向聲色邊卜度不
隨聲色所轉故名曰佛佛與眾生祇在迷悟間耳所

以馬大師云卽心卽佛祇因太煞近所以令人疑竊
牛更覓牛俱是不相宜卓杖云叅

起龕師拈拄杖云七十六年一夢場空花滅盡絕商
量今朝大眾同相送極樂國中禮法王恭惟 圓寂
書記天瀾志上座宿秉靈根天生樸實數十年前已
了幻世脫垢衣於阜甯棄穢履於毘陵斷煩惱於太
平菴中圓德相於慈雲寺裏輔弼清涼二十餘載
長補短件料豐饒將無作有事事具足德公棄世來
我天甯雖未大展手眼却也潛扶密助一句彌陀綿
綿密密世界與身心共契此土與他方何別證自性

彌陀了惟心淨土偶示微疴預書時至端坐跏趺欵
然撒手今者大眾恭送登程且道起龕一句作麼生
道顧左右云舉足下足皆是路高峯低嶺一般平擊
龕云起

舉火執火炬云光明灼灼妙難思拈出當頭了無私
觸着通身紅燦爛無影樹放不萌枝投火便燒

佛誕師拈拂子揮一揮云纔出娘胎便獅吼指天指
地現全身展土開疆施至化大千沙界破羣昏重重
獅子森森起疊疊敷宣冗冗增處處激揚稱奇絕在
在酬酢現威神古今多少拈提者盡從水面刻花紋

冷庵金瓶白話卷之一
五十一
看來個裏何所有何事誰知本現成天甯畫蛇爲添
足冒醜含羞笑煞人且道笑個甚麼不知慶祝如來
誕一味哩言自逞能拂一拂下座

結夏師拈拄杖云結夏安居護生禁足佛制恒規叢
林通例人人放下斗笠腰包個個打開頂門正目十
方共住安詳不許東卜西卜目前件件現成內外事
事豐足日中有齋清晨有粥禪堂坐香外寮勤作經
樓誦經佛堂念佛各安其身各樂其樂有時不二門
前拔草露出光明白地有時大雄殿中歌讚無上妙
曲有時運水搬柴不借人力有時掃盡堦塵清香滿

屋頭頭如是活活潑潑天甯不解譚玄妙本地風光
如實說且道說個甚麼搞座脚一下云會麼下座
解夏師拈拄杖云曠劫沉埋直至今顛顛倒倒逐塵
行漫云一夏多辛苦曾有幾人暗喫驚若論此事非
口所宜非智所識心思不到意測不及干手把提不
住五眼洞視不開會得者明頭也合暗頭也合高處
合底處低不越跬步歷徧化城不撥一塵顛空諸有
明明無異路直下絕承當未會得者難免犯手傷鋒
觸途成滯礙擗頭無繩自縛雖然會者自會不會
者自不會會與不會總與此事毫無交涉且道如何

是此事卓杖云走盡天涯無處通身放下却宛然
擲拄杖下座

隆興寺封關師舉對條顧左右云會麼者是超然法
師未出帝京之先一着夫甯不惜眉毛當場拈出用
爲轉奉憶昔天甯初晤法師於京師再晤於滬濱今
日復晤於六龍城畔法師秉超方作略具出格手眼
通諸經關要徹眾法機樞而能俯順時宜禁足三載
效善財之參詢行普賢之願海塵塵混入剎剎圓融
於事無礙於理無礙理事雙行宏通自在以此普利
羣生各各同歸安泰雖然如是卽今封關一句作麼

生道三年不動步一步越三年中有一句子千聖不
相傳便封

貼單師拈單條云一年一度逢今日徹底本元齊拈
出裂破面皮正眼開左之右之皆奇特天真而妙不
屬造作藏身處沒蹤跡解事全真豈有安排沒蹤跡
處莫藏身用則徧涉河沙月映千江不用則全體杳
寂山河耀彩雖然耳聞富貴眼見貧窮且道當機一
句又作如何良久云莫言個裏無先後位次從來不
糝糊單條便貼

結制師拈拄杖云一法不是有萬法不是無不說如

來禪不明祖師意大用當機不存軌則放去收來自由自在克期取證者嗚似雷轟棒如雨點逼生蛇而化龍點頑鐵以成金端在今時闢土開基者建寶王宮殿立撐天柱子羅殊材於異域集眾木爲一體別展精神更有頭頭就緒法法皆如諸仁還信得及麼卓杖云選佛若無如是眼宗風那得到如今擲杖下座

起七師執香板云拈須彌椎打虛空鼓驀然識破未生前大地原來無寸土擊香板云起

解七師拈竹篋云踏翻爐鞴踢倒關津無修無證無

滅無生說甚麼煨凡煉聖點鐵成金不慕諸聖不重己靈卓竹篋云雪覆任從千嶺白日升依舊萬山青下座

除夕師拈拄杖云三十六旬竟今日末梢頭同居共展作黑牛變白牛六龍城畔林木森森通吳橋邊龍象濟濟轉最上之法輪人人鼻孔撩天顯希有之作爲位位腳踏實地八萬四千魔軍滅跡潛蹤一千七百葛籐一刀兩段首尾通銷內外冰釋二諦六通三明八解拈拄杖云曠劫至今來未曾移寸步誰知客他鄉原在長安住卓一卓下座

元旦師秉如意云發動空王第一機重重妙靄燦熙
熙大千沙界恩波霽一道忻榮沒高低君民同其樂
緇素共其歡慧日中天朗慶雲凝履端且道第一機
在甚麼處舉如意云物阜民安年豐世泰揮一揮下
座

解制師拈拄杖云慳盡朔風冰雪堤邊楊柳吐金今
朝聖制期圓衲僧人人失據東者東西者西南者南
北者北來者來去者去亂紛紛無拘束忙碌碌沒把
握倒四顛三橫七豎八呵呵呵直饒踏徧天涯何曾
離開寸步雖然未離寸步早已踏徧天涯且道踏徧

天涯者是未離寸步者是燈紅月白雙光耀火樹銀
花燦滿街鄰杖下座

盛宮保大護法暨眾善人等愍念甯滬鐵路經過各
府州縣遷移坟墓一切靈魂資冥生蓮啟建普利冥
陽水陸大齋道場七晝夜功德圓滿上堂

師拈拄杖云繡谷芳濃景倍幽山花巖草碧溪流麗
翁惻隱超沉類一路陰靈喜眉頭慈悲是觀音喜捨
名勢至平直號彌陀能仁卽釋迦普賢表行文殊表
智騫豎拄杖云且道這個表甚麼良久卓一卓云脫
體風光全身在個裏見徹心不是佛智不是道三

乘十二分教不是經超三界之根門入一真之妙地
用徧十方而無蹤跡利普恆沙而無蹤跡收之不聚
放之不歡迎之不前退之不後圓大千於刹那法界
聖凡同吉慶裏十虛於彈指九幽十類盡歡騰等太
虛齊萬有應羣機沒規則開諸佛之妙門闡眾法之
秘奧滿檀信之悲懷釋幽途之幻苦事是恁麼事人
須恁麼人若無恁麼人難行恁麼事雖然如是卽今
水陸圓滿請法上堂畢竟現前當機一句作麼生道
卓杖云無限春光關不住滿天風月落人間卓杖下
座

圓關上堂師拈拄杖云榮隆北闕德茂南蘭齡永東
皇慶延西竺秉淨潔丹忱迓玉毫瑞相翼萬德鴻休
集千秋佳兆迺我大護法莊公觀察亮華次檀那暨
令姊盛夫人端爲誥封夫人晉封夫人欽旌節孝欽
賜樂善好施莊母金太夫人預植津梁開通玄奧表
顯眞詮遐齡樹福卽寶地以闡眞鼓鈸鐘鈴談妙法
仗僧伽而顯實低頭合掌獻眞機七處壇關六時進
道瑞靄紛紜天香馥郁是聖是凡盡欣生居冥居陽
同安悅慧花開而福果圓顯密雙收善緣結而菩提
種悲智交運一句伽陀演妙德於河沙五姓三乘同

省悟半字敷宣流嘉祥於奕世三嚴百福盡全歸開
發端藉當人舉措不由別個非唇齒之能宣惟得者
之是證今當水陸圓滿寶座高登第一義諦作麼生
道舉拄杖云諸上座見麼見見之時見非是見見猶
離見見不能及卓出下天台華頂萬年籐報德酌恩
心鐵石柱秀蘭馨永世芳龍女立地頭成佛卓一卓
下座

上堂師拈拄杖卓一下云劉鐵磨臺山赴齋俞道婆
餅盤覆地珊瑚無從袖手瀉山只有開顏松栢茂蒼
蒼蘭蕙香馥馥綠翠紅妍鳥鳴花笑至如淨名杜口
於毘耶釋迦掩室於摩竭且道是阿誰分上事以杖
指云湯邦永信士敬爲祖母湯門洪氏太夫人起建
普利冥陽水陸大齋道場七晝夜功德供佛供天齋
王齋僧利冥利陽裕前裕後樹福延齡消愆預植令
當圓滿敦請山僧高登寶座道有敷宣辜負來機道
無敷宣違背現前畢竟如何卽得拈拄杖云三脚驢
兒上天台八角磨盤空裏走卓杖云煦日中天耀芳
春大地花勛歸極樂處額手慶靡涯卓一卓下座
佛誕師拈拄杖云周昭王甲寅二十六年四月八日
中印度迦維羅衛國淨飯王宮摩耶夫人右脇一燈

破暗直至於光緒三十二年紀歷算來二千九百三十三年於其中間若僧若俗若男若女若老若少若智若愚盡在燈光裏東摸西索無有窮處只有一人不在且道是那一人頭長三尺嘴闊八寸擲杖下座

結夏師拈拄杖云三春已過九夏初來禁足安居全提正令昔日僧問趙州如何是西來大意州云庭前栢樹子僧云和尚莫將境示人僧復問如何是祖師西來大意州云庭前栢樹子渾金璞玉絕點無瑕藏身處沒蹤跡沒蹤跡處莫藏身綠陰隨處好夏日正

方長衲僧着落處千聖絕商量蔦杖卓一草下座
水陸上堂師拈拄杖云一念未生前大地無寸土萬緣銷歇後虛空無背面日輪杲杲光煜熙熙滿目青紅阿誰收拾生前既已褻拂身後誰可褻藏仗眾力以舒伸合羣心而共轉八字大開無從迴避今迺本郡信士姚晉壽敬爲三皇清誥授奉政大夫晉封資政大夫欽加道銜補用同知直隸州侯補通判顯祖考彥森姚公在皇清誥封禁人晉封淑人顯祖姚門陸太淑人資真生蓮啟建普利水陸大齋道場四十九日功德誠禮真乘數密妙法迓千佛之慈光破

大道之旨蘊希萬聖悉隆除並途之業苦頓空諸
相徹淨幻因普被羣機圓登佛果以此殊勩爲超
薦顯祖考彥森姚公顯祖妣陸太淑人同證蓮邦其
登上品冷暄圓滿陀期虔設香齋良緣普結敦請山
僧宣揚法要豎拄杖云諸仁者見麼復卓卓卓法諸
仁者聞麼既見既聞敢問見聞根源在甚麼處良久
云識得其中端的皆塵塵刹利淨蓮邦卓下座
水陸上堂師拈拄杖云久蘊精誠得地來巍巍寶藏
燦然開會中盡是知者念棒分明笑滿腮宗乘
唱三藏絕詮八萬門闢十方解脫明頭合暗頭合理
事無差此相應彼相應圓融自在門門有路戶戶皆
通法法全彰頭頭畢現拈一機萬機競赴如龍得水
放一着着皆安似虎逢山金蓮湧八德之波壽山
聳九霄之勢大用無方風雲際會正當恁麼之時第
一義諦早爲諸人佈散了也若是擬議遲疑未免當
面錯過焉豎拄杖云諸仁者委悉麼無量百千法門
盡向這裏收拾復卓一卓云何瑞雲信士承此殊勩
超薦故祖父岳德公故祖母梅龔陶三孺人亡父棟
臣公亡母黃孺人同生蓮界信女劉門章氏章門姜
氏藉此殊勩樹福消災綿齡益算現前海眾藉此殊

助演種種法宣種種義燕種種香陳種種供上供諸
佛中俸聖賢下濟羣品普及法界聖凡情與無情藉
此殊勛同歸真實且道水陸圓滿因齋慶讚一句又
作麼生卓杖云嫩竹穿雲誠孝力舒丹榴火淨信心
山僧不惜聊拈出匝地彌天越古今卓一卓下座
解夏師拈拄杖云結解遮開收放縱奪大海生漚空
華現影一夏天孳孳巴巴二六時兢兢業業祇知道
有味裏針錐不解相向無得處諦當直饒蠟人光生
鷲珠形耀拄杖子未肯相許且道因甚如此刁刀相
似魚魯有差擲杖下座

中秋師拈拄杖云金風扇野露滴天香涼爽秋高銀
河星燦一輪湧出滄海皓魄騰耀九霄光朗大千徧
周沙界雖然尋常佳節要且幾人洞曉昔日西堂百
丈南泉隨侍馬祖玩月祖云正恁麼時如何西云正
好供養丈云好好修行南泉拂袖便行祖拈經入藏
禪歸海惟有普願獨超物外諸上座委悉麼衲僧門
下應節逢時集眾陞堂爲明個事祇如馬大師云經
入藏禪歸海惟有普願獨超物外雖然據款結案節
目關要究竟在於何處良久云叅禪須具叅禪眼未
具眼時空顛預擲杖下座

上堂師拈拄杖云極目清涼徧界安眞源端的許誰
叅看來不是羅籠者一片精誠徹底翻千山關不住
萬境莫能廻不滯九霄中直通凡聖外拈提直截貴
在知音扶樹宗綱全憑識者有超羣手段方能啟從
上元徽無作家把握焉能具眞實本領一言道破佳
境熙熙半字不存日光浩浩非個裏人焉明斯事且
道是甚麼事良久云卽是三寶門中五戒弟子周孟
寂慧蘊精藏於數十年中金石同堅慕眞乘於諸多
靈境冰霜自勵不辭艱辛道業自期忍疲奮強功深
普被迺於今月初一日虔臨本寺發最上心建殊勝

業啟建普利冥陽樹福延齡水陸大齋道場二十一
日壇開多處延六和之僧伽法展三乘集殊祥之百
福希千聖之光臨脫十界之凡苦報萬德之洪恩銷
多生之業障今當圓滿之期敦請山野重宣法要不
負來機暫通一線舉拄杖云會麼復卓云於此會得
自利他利一切俱利福足慧足一切具足如或未然
重下註脚昔日馬祖大師一日目視繩床角拂子百
丈云卽此用離此用祖云汝向後以何爲人百丈豎
起拂子祖云卽此用離此用丈挂拂子原處祖乃震
威一喝直得百丈耳聾三日諸上座委悉麼獅子遊

行非同驢步大冶精金灼開正眼雖然如是卽今檀
信設施所獲畢竟如何祇因撥動青霄月致惹光華
滿世間卓一卓下座

上堂師拈拄杖云晴明涼爽秋江白偉哲衷澄展慕
思妙諦新榮通歧異宏徽贊協植蓮基不是心不是
佛天空四壁明頭合暗頭合海納百川蘇州常州同
得是聖是凡并了掃開遮天雲霧撥轉無盡虛空千
差萬別息影銷聲毀形失據悲歡離合苦樂生滅一
齊淨絕如斯了達始可演法開壇始可據座商量始
可報薦親恩始可酬願遂意拈一機萬機盡赴利利

塵塵同解脫動一境境皆如在在處處齊安樂不
乘一塵不撥一事翻郝氏公案演梁帝嘉文決悟達
根源勦迦諾奧府開權顯實達妙契真通徹入幽徹
頭徹底干手眼慈悲普應如意寶善友廣施三界徧
該六道均罄一念圓成十方坐斷今當道場圓滿大
善功成且道感柏菴居士暨巢夫人同受哲嗣春頤
曾緒尙頤賢姪復頤諸夫護法竭誠報荐畢竟高昇
何處卓杖云天上有星皆拱北人間無水不朝東籬
邊黃菊增新艷映月丹楓別樣紅便卓杖下座
圩塘萬佛閣水陸上堂師拈拄杖云大江之南龍城

之北中有道場巍峩雲表聚萬善於萬佛堂中人人
開樂善之懷集千祥於千年寶地個個欣佳祥之慶
根源不越絲毫端功勛普霑於無極一人倡首利溢
十方三乘壇開歡騰萬類茲乃萬佛主人真清大師
閻院碩德諸大檀護重興萬佛道場重建大雄寶殿
大功雖未告成規模歸然大備特建法界聖凡普利
冥陽樹福遐齡水陸大齋道場三年功德用報十方
護法遠近信心檀越若男若女若老若少若智若愚
若幽若顯盡乘法海真光同圓真常種智消眾苦於
當場證殊榮於卽境不旋踵而福裕恆沙不移步而

壽齊泰嶽聖凡冥陽各姓宗親無量種類及諸羣品
不假他求不從外得悉於其中圓滿大樂恁麼殊勝
恁麼希有敢問現前仁者畢竟承誰之力舉拄杖云
東阿闕西彌陀南寶勝北成就普與無量聖賢十方
諸佛同在拄杖頭上放光動地齊聲讚言善哉善哉
不可思議卓杖云中央一曲宣榮境唱徹圩塘萬載
春便擲杖下座

冶開鎔禪師語錄卷第一

冶開鎔禪師語錄卷第二

嗣法門人顯澈編

上堂師拈拄杖云大用無拘妙德非所任順逆以展
施隨真俗而現化現天現人現宰官現諸羣品無非
實內興權示去示來示生滅示諸苦樂均屬真中現
假藉假明真假非是真真不自真了假卽真所以大
權隨機應現非一慈氏隱形於兜率降善慧於義發
雙林曼殊晦跡於五台示杜順於雍州萬年觀音手
提魚籃地藏現形瘋癲大聖興慈變幻莫測卽今皇
清誥授資政大夫晉封榮祿大夫前署直隸通永兵

備道徐公孟翔府君乘大願輪遊於塵世現宰官身
任運利濟住世五十二年功勛莫可言喻祇昧本因
蕭然仙逝惜乎返真太早致使令嗣宏文太守泣地
呼天追思莫及痛不欲生依戀失所恭詣天甯梵刹
啟建法界聖凡普利冥陽普度大齋道場四十九日
用報罔極大恩欲達追思深願冀佛力以垂慈希聖
恩而愍濟壇開金地法轉靈文供獻酥酹香焚牛首
今當圓滿之期特延高登寶座聊酬相知不辭敬白
有大仙人運慈心來遊幻世示時人扶危救難利羣
生應事隨機行願深佐助皇家四十春匡時濟世無

變更靈源不昧本來真應盡還原便飛昇善眷請法
敬森森情與無情盡沾恩對眾讚揚別無伸法界同
歸無等尊咄擲杖下座

貼單師拈單票云趙州有二僧不肯作第一座院主
白州州云總教作第二座主問第一座教離州云裝
香着須臾香裝了也州云戒香定香智慧香解脫知
見香趙州老漢借水行舟得逢其便天甯耆裏第一
第二第三直至無量百千也祇是無欠無餘且道因
甚如此現前位位不曾眼花便貼

結制師拈拄杖云眼中着屑空中釘楔累他諸佛諸

祖現身橫說豎說塵說利說熾然說無間歇究竟何
曾說着橫行豎行逆行順行寂靜行決定行究竟何
曾行着已證據者固然了了未證據者亦未欠少所
以石頭初到青原原問甚麼處來答曰曹溪曰遷將
得甚麼來否答曰未到曹溪亦不失曰既然不失何
用去曹溪答曰未到曹溪焉知不失諸上座委悉麼
明明無異路直下絕躋攀毫釐有差天地隔擬議千
山與萬山擲杖下座

起七師執香板云非常之事必得非常之人若無非
常之人難行非常之事現前頂天立地位位具足是

丈夫且道非常之事作麼生行擊香板云起
解七師按竹篋云整兵征勦無明賊旗鼓奔騰大展
威殺盡波旬翻窟穴拓開疆土凱旋歸而舍四海咸
竄靜一曲高歌月正輝咄聖座上品佛位菩薩
冬楚師拈拄杖云陰陽未分之前生佛未兆之始普
機早已遍塞虛空包含萬象映沙界而無邊歷千劫
而非古能轉陰陽陰陽不能轉能移萬物萬物不能
移所以傳大士茲有物先天地無形本寂寥能爲萬
象主不逐四時潤若能識得此物世出世間萬事萬
法俱是假名陰陽消長四時變遷皆成幻境說真也

得說假也得說假卽真也得說真卽假也得齋豎拄杖云且道這個是個甚麼良久卓一下云個裏若未能清徹難免不被眼睛遮卓杖下座

迦旃延

上堂師拈拄杖云一翳在眼空華亂墜無限波濤脚下競起棒打石火頭曝論實事青山不展足日下不張燈一陽來復萬德功圓理事雙融如如自在菩提果熟於當場有目共睹寶蓮花開於上品功圓者證入如來地大海利刹塵塵齊解脫證諸法之實相在在處處大圓覺障難煙消諸苦冰釋慧日究臨智炬高燭此乃宜興縣和橋鎮方輿福優婆塞黃宿秉靈

根植眾德本不昧乎本因來寺啟建法界聖凡普利冥陽樹福遐齡水陸大齋道場七壇七晝夜功德燒種種香設種種供轉種種法輪演種種妙義普爲法界眾生同登佛果自身親爲佛子早證菩提本姓宗親及諸親族同登覺岸今當圓滿之期恭延天甯高登寶座宣揚法要願左右云諸上座委悉麼世尊說法四十九年頓說漸說顯說密說正說偏說方便說譬喻說未曾說着一字天甯今朝說個甚麼若道無說口未停歇若道有說說在那裏良久云者裏見徹果福優婆夷未離和橋早已大法成就早已圓滿具

法苑珠林卷之三
足若待天甯開兩片皮鼓粥飯氣甚作甚麼雖然如是卽今水陸圓滿因齋慶讚又作麼生古栢蒼松千載茂亭梅花放最高枝卓杖下座

觀音閣起龕師拈拄杖云六十三年前不持一物來六十二年後不持一物去正當六十三年由小至中由中至老由老至盡應事應機任運無礙或隨世而治家或棄俗而修道或刻苦而精專或和光而同塵或宏法而利生或興慈而濟物接交有道之人勸化無知之輩引誘歸真解危濟苦隨順機宜不拘形迹凡有施爲無所住着閑權巧之門行方便之事雖未

出眾驚羣早已人人欽服雖未大展風矩實爲僧家表式末後一着三輪體空六字洪名一生了當預知時至事事完全端坐跏趺合掌西逝彌陀垂光接引安然直入蓮邦此我觀性老上座一本地風光眞實爲作天甯今受令徒敦請特爲起龕別無所道祇有順水推舟聊助一程拈杖云有勞諸上座同音齊念佛擊龕云起舉火執火炬云大洋海底蓬塵起須彌頂上浪滔天與君此際銷遺迹光照三千及大千

上堂師拈拄杖云事從緣起法逐人與人有不差法

無定相昔日世尊因外道問世尊昨日說何法世尊
云昨日說定法又問今日說何法世尊云今日說不
定法外道云何以昨日說定今日說不定世尊云昨
日定今日不定混金璞玉淨潔無瑕黃面老漢和盤
托出天甯今日向無言處言無說處說普與諸人同
個入處同個自在要使馮門項氏孺人圓滿如意舉
拄杖云見麼世出世間善法惡法一切諸法皆從者
裏流出者裏實踏不疑世出世間一切諸法皆住大
安樂境皆成大解脫場逆行順施圓滿如意橫拈倒
弄無不自在三千里所傳佳音七晝夜宣揚禮拜正

慧時鐘鼓交加無量眾雲蒸霞蔚如虎奔山如魚得
水如貧獲寶如暗投燈如如意珠一切具足凡所施
爲凡所希冀悉皆如意雖然如是且道者裏是個甚
麼所在卓杖三下云會麼晝吉祥夜吉祥晝夜六時
恆吉祥一切時中吉祥者願諸護法常安樂卓杖便
下座

臘八師拈拄杖云鳴鐘集眾陞堂慶祝世尊成道良
辰據拾古今言詞裝點許多巧妙不言主賓君臣便
拈棒喝玄要般般評論商量種種忝詳計較將謂出
格超奇看來不值一笑且道笑個甚麼未免傷神費

氣何以故佛身充滿於法界普現一切羣生前舉手
卽撼着釋迦老子鼻孔動步卽踏着釋迦老子面門
雖然如是敢問諸位上座釋迦老子卽今在甚麼處
適纔普同祝延少頃大殿獻供置杖下座
除夕師拈拂子云道絕功勛三十六旬忙不徹體離
名相百千差別各紛紜頭頭有緒左之右之前之後
之一一皆如物物全彰靜裏動裏忙裏閑裏無不合
轍不可得而名不可得而知用之彌漫六合收之退
藏於密且道歸根極底一句如何六龍城上吹畫角
萬戶千門換桃符拂一拂下座

光緒二十五年

元旦師拈香畢就座秉如意云靈雲見桃花一元復
始香嚴聞擊竹萬象更新楊歧三脚驢野老謳歌大
慧竹篋子游子樂業君王共黎庶同歡化外與寰中
並樂鐘鳴鼓響慶堯天四海八荒咸稽首揮如意下
座

解制師拈拄杖云百千法門門門有路重重交映而
面皆通賦游山曲唱觀風歌惟許達者展個裏機發
域中妙須是其人佛祖不能羅籠天神不及覩見橫
穿鬧市擔下載之清風直入深堂捉白拈之臨濟來
來去去一任交肩刹刹塵塵獨行無信面目現在切

忌顛預烈燄曾經不虛煨煉諸上座卽令燈明月朗
火樹銀花異綵奇妍駢朱填紫畢竟落在何處還委
悉麼舉足下足須踏地進前退後慎差遲擲拄杖下
座

上堂師拈拄杖云。轟天梵作。振古玄徽。界外風光。巍
然洞啟。妙無邊。樂無邊。用無邊。照無邊。暢通藏海。聲
法淵宗。赫曄光榮裏。盡淨無添處。加添。事境與理境
同彰。在在竟通明豁達。無減處。加減。聖心共凡心。一
畢。頭頭實了。無縫罅。無立足處。閒懷有所得。裏放手。
八面玲瓏。十方活潑。一道坦平。如如自在。恁麼了達。

恁麼見徹。若非個裏圓通。箇外超脫。曷能極其原底。
際此百花競秀。萬卉增芳。綠映彌天。濃蔭遍野。迺我
大護法。余榮洵君。暨閭第善眷人等。敬爲皇清誥授
資政大夫。二品頂戴。直隸特旨道前署天河兵備道
顯考徵甫府君。七旬冥誕。并及皇清誥封出品夫人
顯妣某太夫人。資冥生蓮啟建水陸道場。上供萬聖。
下濟三有。普令法界之內。一切情與無情。以及具靈
性者。悉皆圓滿大樂。所以般若經云。若卵生。若胎生。
若濕生。若化生。若有色。若無色。若有想。若無想。我皆
令人無餘涅槃而滅度之。敢問諸上座。如何是無餘

涅槃畢竟作麼生滅度。過去心不可得。現在心不可得。未來心不可得。石男拍板雲中唱。木女謳歌火裏眠。源遠流長根深葉茂。卓一卓下座。

佛誕師拈拄杖云。二千九百三十四年前無風起浪。振鼓潑天之波濤。二千九百三十四年後和泥沓水。清濁混融於大地。這邊那邊盡在其中。頭出頭沒。何有限量。頓然超出者。不知其幾。就裏淹殺者。不知其幾。廣大圓滿者。不知其幾。隔壁虛空者。不知其幾。以醍醐爲毒藥。將毒藥作醍醐。顛三倒四。七通八達。返乎雲覆乎雨。牛頭出馬頭回。一看來。不知其幾。驚

豎拄杖云。且道這裏事畢竟如何。卓一下。云。相將擡手上。瑤階長嘯一聲。天地闔卓一卓下座。雖云一卓結夏師拈拄杖云。捏不聚。劈不開。收不籠。擡不着。鷺鷥腿上割股。虛空腹中釘楔。東山水上行。西河火裏坐。溪西雞齊啼。屋北鹿獨宿。黃龍三關浮。山九帶雲。門顧鑑。趙州柏樹。汾陽十智。同真洞山五位。君臣天籟。今日結夏。別無所道。一齊包包扎扎。撇向糞掃堆頭。擲杖下座。

上堂師拈拄杖云。一佛出興。千佛贊揚。一花開敷。千花競秀。不動毫端。果徧大千。無所作爲。光照萬有。開

華藏之門現毘盧之境達善才之真跡入晉賢之願
海暢於心悅於懷利於功應於實事理交闔至寶互
徹忘我及人普行大惠識我大檀越誥封一品夫人
盛門莊氏夫人法名善月篤善天成慈良衛護良有
以也前請本寺書記印平比丘謝絕塵囂棄定掩關
虔禮華嚴一部計七萬零四十三字上報四恩下拔
諸苦萬類同臻大樂以此良因銷多生之障纏以此
良因積無疆之福壽智慧花開芝蘭茂秀靈根挺生
菩提果實保國保家保蒼生利冥利陽福無極今屆
蒲葦獻綠榴火初紅再轉法輪重闡眾教藥樹助於

不二法門中利利同歡空諸相於眾妙界裏塵塵均
悅折攝惟真俯仰崇實若幽若顯盡登大圓覺場是
聖是凡悉歸毘盧性海無有所得萬行功成揭露當
陽非去來今且道畢竟作何慶祝嘉州牽大象陝府
灌鐵牛南山起雲北山下雨哈哈大笑云善哉善哉
不可思議卓一卓下座

上堂師拈拄杖云罔知跋涉投禪苑爲報深恩起法
筵大會功勛今圓具第一義諦復敷宣東西同相應
南北兩皆通古道平坦坦如如親自在十方蘊馥隨
處成祥不惜莖眉特爲拈出鷲豎拄杖云見麼卓一

下云聞麼既見既聞第一義諦在甚麼處復卓一下
云拄地撐天旋嵐掩嶽超越眾羣不隨諸數所以雲
門大師云盡大地是解脫門把手牽不入盡大地是
涅槃路倩人行不得天甯這裏則又不然卽今現前
諸仁無一不在涅槃路上無一不在解脫門中收來
放去引類呼朋涕唾掉臂攜子抱孫入梵刹則唱演
三乘使人人腳踏實地處禪林則歌宏妙道合個個
鼻孔撩天游戲四無量心逍遙六波羅密翻三途之
毒海捫十界之根株圓一真之佛果集萬善之功極
檀越以之酬恩衲僧以之進道干聖以之歡騰諸佛

以之慶讚放無量光演無量義示無量法門現無量
權巧無一不在涅槃路上無一不在解脫門中直饒
諸佛分上亦未能越出分毫蠕動舍靈亦未曾少分
毫怎麼見徹吳府堂中先達歷代宗親三黨各姓姻
親悉皆受度堪報不報之恩共展無爲之化雖然如
是卽今吳吉臣居士率領善眷人等來寺啟建水陸
大齋道場圓滿敬設上堂大齋請法上堂因齋慶讚
一句作麼生道芝蘭繁而秀松柏茂而蒼壽等等河
沙妙體若金剛卓一卓下座

解夏師拈拄杖云春夏已過去秋冬正當來寒暑互

變遷侵凌無底止昔日僧問洞山云寒暑到來如何
迴避洞山云何不向無寒暑處去僧云無寒暑作麼
生去山云寒時寒殺閻黎熱時熱殺閻黎洞山老漢
恁麼答話不費可毫之力送這僧直入大婁藥地可
謂痛快已極天甯今日解夏恁麼表揚眾中還有徹
底擔荷者麼若有徹底擔荷不負一夏辛苦堪與話
人把臂共行把手造作同鼻出氣同大受用如或擬
議遲疑依稀彷彿直饒這邊過夏那邊經冬脚下踏
碎草鞋肩頭磨折扁擔依舊遠隔千里何爲如此毫
釐若有差天地已懸隔岸上草下煙江上酒風

鎮江夾山竹林寺定安太老和尚封棺師拈封條云
別後未滿兩閱月驚音忽爾至毘陵傷哉折我眾所
依今日親詣淚頻淋恭維 圓寂南嶽下第四十五
世竹林堂上上定下安然公法兄太老和尚住世七
十五年僧臘六十三載行無言之慈運同體之化扶
從上之綱宗正令全提斷柄子之命根太阿倒握不
動聲華魔外潛蹤不展鋒鋷羣邪喪膽憶自紅羊劫
後初莫昇平撫我法伯祖老人重整家風再豎刹
竿栽臨濟之松種多福之竹牧瀉山牯牛開百丈田
地法風穴七載單丁仰大愚一生清苦風月滿天江

山宛舊繼接智珠老姪法舟姪孫等祖道宏恢尸羅
雷震千華臺上令十方四眾各依其依使僧尼道俗
共樂其樂先夾山之面目煥然更新南澗問之真軌
徧施莫極弟等正擬承託蔭依何期津梁遽爾收手
大圓覺海本無去來建化門頭頭然失色天宵劣弟
跋涉不辭恭詣位前熟一瓣香奠一盞茶聊進雁誼
復何以已傷哉復傷哉悲夫賢後哲夾嶺息慈暉山
泉空愴惻便封

上堂師拈拄杖云一念精誠建法筵三乘藏海罄言
詮殊途妙境歸何處無量功勛入性田大劫不宰妙

德非居沙界通圓光含萬象不是目前法非耳目之
所及明明歷歷非放非收千聖不能測其源萬靈莫
能窺其旨明頭合暗頭合七晝夜法韻鏗鏘歌揚讚
誦事具足理具足大善信福慧雙嚴壽算綿永九祖
先靈生蓮三黨姻親受度茲當圓滿寶座高登不惜
莖眉重爲顯露豎拄杖云見麼卓杖云聞麼見聞是
個甚麼良久復卓杖云四聖六凡三界九有盡向者
裏收拾無量神通百千三昧到此退身有分唯倪門
王氏大護法以此來寺啟建普利冥陽水陸大齋道
場現前諸人以此不負來機種種宣揚展演諸佛以

此度生萬類以此解脫苦淪以此樹福消災矢甯以此應機應事以此薦親以此報祖以此利他以此自利且道第一義諦在甚麼處卓杖云木樨花放在深岩徧佈幽香燦爛開旱日當空光字宙山河大地慶善哉卓杖下座

上堂師拈拄杖云世間出世間善法不善法雜然亂紛紜根源何處發天非自天人非自人凡不自凡聖不自聖憑何物以成天憑何物以成人憑何物以成凡憑何物以成聖顧左右云諸仁者會麼天人聖凡世出世間盡從一毫頭正全身建立恁麼見徹恁麼

了達聖凡天人世出世間一切萬法俱是空名卽其空名亦不可得於不可得中始可以爲天始可以爲人始可以爲凡始可以爲聖始可以爲一切攬長河爲酥酪變大地作黃金拈一莖草作丈六金身以丈六金身作一莖草逆行順施橫拈倒弄圓滿如意隨心自在雖然若非宿植勝因正信勇爲焉能獲此殊勝效果茲屆佛生二千九百三十四年九月望日廼我新授浙江嚴州府淳安縣知縣本郡 吳公季常大護法暨德配劉夫人以淨信心作殊勝事來寺啟建樹福延齡普利冥陽水陸大齋道場一堂七晝夜

功德今當圓滿之期敬設香齋敦請山野宣揚法要
山野徧觀一切處所一切境界無一不是最上法要
鐘無法要無以自鳴鼓無法要無以自响口無法要
無以自言眼無法要無以自見耳無法要則無以聞
手無法要則無以提足無法要則無以行天無法要
則無以運轉四時地無法要則無以生長萬物君無
法要無以治天下臣無法要無以治國事此界他界
一切人類水陸空行一切種類乃至蜎飛蠕動微細
昆蟲若無法要悉皆無以行動諸仁者委悉麼不是
佛兮不是心大千沙界現分明從來一字未加畫尤

月重陽菊花新卓杖下座

上堂師拈拄杖云法起緣何處中州一電來哀誠通
雲漢卽境湧蓮台空生妙德讚仰莫及電掣風馳追
蹤不上鶴子過新羅泥半越東海踞虎頭把虎尾如
何是中間的老開先雖有定亂之謀且無出身之路
天甯者裏八字打開千門洞啟也不踞頭也不把尾
只要順時順節應事應緣稱揚時稱揚禮誦時禮誦
吃齋時吃齋消閒時消閒喚作吃齋消閒稱揚禮誦
施主所求滿願先靈受度以臻普利冥陽水陸大齋
道場七晝夜功德不負馮噉綺噉棠賢昆仲暨沈門

馮氏孺人爲報答。皇清誥封恭人晉封淑人顯妣
王太淑人資冥生蓮之孝心天甯大開門戶恁麼設
施較他拘守一隅何啻霄壤者哉雖然如是卽今水
陸圓滿大功告成畢竟王太恭人超昇何地拈拄杖
云千江有水千江月萬里無雲萬里天卓卓下座
結制師拈拄杖云年年結制歲歲開爐雖然不是等
閒要且各不含糊銅頭鐵額者按向爐中頂門具眼
者按向爐中匙挑不上半青不黃者按向爐中直饒
超羣出格鼻孔撩天牙如利劍口似血盆午聖不奈
伊何諸祖見而退縮者到來正好按向爐中從新一

一煅煉既是頂門具眼出格超羣因甚還要入爐從
新煅煉眾中莫有端的者麼天甯施設處疑殺世間
人擲杖下座

貼單師拈單票云賓主分明事理冰判有實有權有
照有用爲霖爲雨潤蒼生如虎如獅大嘯吼氣宇如
王口吞佛祖呼喚不回羅籠不住今日齊齋收歸天
甯這裏舉單票云且道這個歸於何處象豕行處絕
狐蹤拈單便貼

起七師執香板云威嚴濟濟龍象森森將逐符行兵
隨令轉一聲霹靂頂門開百怪千竒俱絕跡擊香板

云起

解七師按竹篔云夾山叅船子黃檗打臨濟靈雲見
桃花香嚴闢擊竹亦能開人正眼亦能瞎人正眼天
甯二七開爐晝夜煅煉棒如雨點喝似雷轟且道是
開人正眼是瞎人正眼相將共上木蘭舟明月清風
安可比以竹篔點地云收

上堂師拈拄杖云是法平等無有高下天不能蓋地
不能載山是山水是水人是人物是物雲騰鳥飛犬
吠雞啼物象紛紜莫可究極試問於其中間畢竟何
者是法良久云現前儒釋諸仁早已圓滿具足囊括

大千包含萬有殊祥異凡功勛盡在諸人現前本有
光中了然顯現無不該羅無不收攝若非具大力者
不能啟發本郡劉門吳氏孺人暨善眷人等慈孝雙
彰家國並治不昧靈根本源洞悉今來天甯徹底掀
開以致鐘鳴鼓响頭頭發洩燭焰幡花在在指出七
晝夜朗朗遐宣二六時鏗鏗彬濟百千妙境全體徧
敷恒沙嘉祥同時畢露障苦冰釋業卸塵銷壽山高
而增聳福海深而添波芝蘭秀而芬芳松柏蒼而鮮
翠拄杖子哈哈大笑烏籐兒歡忻鼓舞露柱燈籠指
手不迭齊聲讚言善哉善哉藹豎拄杖云見麼卓一

下云聞麼既見既聞是個甚麼復卓一下云劈開華
嶽連天碧放出黃河徹底清卓杖便下座
上堂師拈拄杖云法域靈源境廓開門庭光耀喜培
栽當機傑由憑人見一鑑圓明萬境該霞光遍佈慧
日熙熙梅放枝梢天地清肅無所動處生輝有作用
裏現兆特出越類超竒巍然獨標象外是個中人方
明斯旨無作家眼焉解此宗昔日希遷禪師初到青
原原問從那裏來答曰曹溪曰還將得甚麼來否答
曰未到曹溪亦不失原曰若然何用更去曹溪答曰
不到曹溪焉知不失原曰若然何用更去曹溪答曰

亦不失且道不失個甚麼卽今又在甚麼處試檢點
看直饒檢點得出早以蹉過多時所以雲門大師云
盡大地是解脫門把手牽不入盡大地是涅槃路倩
人行不得筵前芬芳茂盛覆地蔭天之一株亘古亘
今綿永延休不可得而思不可得而議者惟我蘇郡
長洲縣大護法李門王氏孺人仝子文錦公子安然
有所得也所以運無盡之資建無盡之業轉無盡法
輪顯無盡妙義獻無盡之香花供無盡之聖賢令無
盡四恩三有無盡水陸空行無盡情與無情無盡一
切眾生齊齊共證無盡圓滿大果恁麼事業恁麼舉

措其福利功德豈是等閒所能思議者哉天甯全身是口也不能讚其分毫何況其餘之無盡旻榮慶幸也耶雖然如是卽今水陸圓滿請法上堂一句畢竟如何拈拄杖云祥麟雖現一隻角待見神龍衍慶多擲拄杖下座

冬至師拈拄杖云大洋海底蓬塵起須彌頂上浪滔天鐵蛇鑽入金剛眼崑崙騎象鷲鷲牽露柱開顏笑燈籠賦新調石人怒氣生打得虛空叫唧唧唧唧問不休致使泥牛亂蹕跳跳的跳笑的笑鬧的鬧叫的叫惹得舜若多神火發出來振威一喝各各縮身而

退翠陰消滅一陽來復誰知今朝原來冬至哈哈下座

起龕師拈拄杖云幻世浮沉七十年和光向俗應塵緣今朝塵淨光生也七寶池開九品蓮恭惟圓寂書記廣蓮老上座一生本分不事虛浮處網謙光了無窒礙早知四大皆空默持一句佛號因果分明盡心奉職數十年克勤克儉二六時慎始慎終護已護人從無偏黨脚底腳頭未曾蹉過雖老益壯在病猶堅末後歸期早定識破所以力卸仔肩未滿數旬安然西逝可爲衲子之箴規可爲叢林之榜樣稱僧寶

者宜其然也今者閤院諸師恭送闍維臨行一句無庸多囑撥開幻世離塵境步步登高入逍遙擊龕云起舉火執火炬云覲面寶所極目長安正恁麼時如何證入投火炬云丙丁童子纔相助幻跡真名一例銷便燒

上堂師拈拄杖云天無四壁地有八方法隨事與用時適當卓杖云今有本郡無錫縣揚名鄉城西里土地繡座司大王界下居住信士顧廣良廣明敬爲皇清誥授奉政大夫晉封朝議大夫候選同知國學生顯考幹臣府君並爲顧府堂中歷代宗親實真生

蓮來寺啟建法界聖凡普利冥陽水陸大齋道場七晝夜功德今當圓滿請宣法要教中云應以佛身得度者卽現佛身而爲說法應以菩薩身得度者卽現菩薩身而爲說法應以天大將軍身得度者卽現天大將軍身而爲說法應以婆羅門宰官居士身得度者卽現婆羅門宰官居士身而爲說法乃至應以比丘比丘尼優婆塞優婆夷一切人非人等身得度者卽皆現其身而爲說法令其成就且道這是爲顧信士超薦顯考幹臣府君并薦顧府堂中歷代宗親資真生蓮畢竟說何法要令其成就般若經云說法者

無法可說是名說法又云若言如來有所說法卽爲
謗佛敢問有說也無說也若言有說卽爲謗佛若言
無說辜負信士究竟如何卽得良久云這裏見徹清
楚有說也得無說也得如龍得水如虎逢山如暗得
燈如貧得寶全身無礙徹體解脫優游華藏世界道
遙極樂國中此界他方人間天上無不自在雖然如
是卽今水陸圓滿請法上堂一句又作麼生卓杖云
千山勢到嶽邊止萬派聲歸海上消卓杖下座

諸天菩薩開光

左

師拈香秉筆云大誓宏深大尊嚴大威德衛佛濟世

慈濟善濟威濟怒濟解厄救難濟金剛大將濟八部
威神濟所求如意濟自在安然濟堅固證盟濟保赤
福嬰日輪光明濟無量妙寶一切功德海藏濟惟願
此際悉徧普使無量大歡悅以筆點眼云威嚴赫燁
大地暉護國護民護梵刹灑花米三拜

右

師拈香秉筆云大權示現自在大殊勝德澤無涯
慈德威德悲德喜德忿怒摧邪德威猛伏魔德大辯
無礙自在滿願德殷憂護法輔正救苦德滿月淨光
德執權冥途德無量無邊大功德惟願顯露悉徧施
普使羣生犬安樂以筆點眼云金光煥耀照十方衛

法衛僧衛檀越灑花米三拜

臘八師拈拄杖云雪山昔日舊公案每到今朝便更
新古曲雖然無音韻能和乃可名知音僧問風穴云
古曲無音韻如何和得齊穴云木雞啼子夜芻狗吠
天明妙喜云黃面浙子恁麼答話也做他臨濟兒孫
未得在設或有人問妙喜云古曲無音韻如何和得
齊木雞啼子夜芻狗吠天明二大老恁麼答話還有
優劣也無若道有優劣二人所答一樣若道無優劣
何以妙喜恁麼披判委悉麼古曲無音韻如何和得
齊天明芻狗吠子夜木雞啼下座

上堂師拈拄杖卓一下云不是禪不是道明如杲日
非佛法非世法寬若太虛明頭合暗頭合八面玲瓏
無我相無人相全體自在極親極近極平常極處無
遮大吉祥徧界遍敷誰解識宛如子女與親娘同其
根同其葉同其枝同其榦培其根兮培其葉培其枝
兮培其榦根葉與枝榦芬芳各有異統要而言之原
本共一體如水與波瀾如地與邱山如身與手足如
金與釧釵形勢雖有殊原同一氣貫笑哈哈笑哈哈
筵前位位是作家眼目定動千山別毫釐纔涉隔天涯
怒雷不及來掩耳陸地休從擺魚蝦今日天甯遺話

柄惹笑知音亂如麻這裏若能親證徹聖凡何處是
疵瑕德山休拈棒臨濟漫下喝干聖出來早已追不
及魏門李氏優婆夷法名清池同子允恭允治允濟
同女允元法名超悅同建法界聖凡普利冥陽水陸
大齋道場七晝夜無量無邊不可思議功德樹福遐
齡所願遂意今當圓滿請登高座拈起拄杖喜之欲
狂無量壽如來與諸佛菩薩無量聖賢福星祿星壽
星諸大吉星無量聖凡種類同時發現同大慶幸無
邊世界圓成一界光光相映互互交輝無雜無分無
彼無此不可思議不可稱量正當恁麼之時天甯拄

杖輕輕瞥咳一聲如上一切聖允各住本位安然靜
寂圓滿自在三千年鶴纔展翼九萬里鵬使高翔下
座

竹林寺定安太老和尚智珠老和尚起龕師拈拄杖
云蒼蒼古夾山松篁森幽谷登登偉人興峻機孰能
測春回大地月滿千山猛火消冰寒風刺骨開通時
極其開通宣暢時極其宣暢精嚴時極其精嚴秘密
時極其秘密或是或非人不識逆行順行天莫測圓
然燕寂千聖窺探無門掃跡滅蹤天人捧花無路放
一線八面四方盡全彰示一機利利塵塵同刮目非

去來今現去來今無生滅相示生滅相則卽是我傳
南嶽下第四十五世竹林堂上定安然公丈老和尚
暨我法侄傳南嶽下第四十六世竹林堂上智珠德
公老和尚同於大寂光中普現權機扶豎宗綱律濟
四眾數十年攬濁揚清披權顯實夾山頂上羅龍捕
鳳鐵巖城邊證龜成鱉直至而今雖然大用全收檢
點將來未能無過還有人見其過否若見其過夾山
宗風永振如或未然看我二老人今日倒騎鐵馬寶
網打開步步登高去也擲杖合掌云請
安塔云猿抱子歸青嶂裏鳥啣花落碧岩前藏身處

沒蹤跡沒蹤跡處莫藏身處先夾山恁麼舉揚雖然
妙盡機宜未免口門太窄何如我定安太老和尚現
大人相亦任山花開獻澗水長流日月照臨風雲圍
繞令一切人瞻之仰之莫可窮極萬峰齊下拜一塔
鎮常新掩土

祖堂安位師捧牌位顧左右云這裏是西天東土歷
代諸祖歸處今日我定安然公太老和尚暨我法侄
智珠德公老和尚雖是隨例附和要且別有長處且
道是何所長兒孫齊得力龍象濟森森便安
除夕師拈拂子云年終除夕夜事事俱全備大開無

光緒二十二年

盡藏諸人同分歲已得底者安樂過年未得底者安樂過年已得底者固屬安樂過年未得底者何以安樂過年舉起拂子云自古至今誰人欠少揮一揮下座

元旦師執如意云聖德大清國緇素和尊貴舉世一切人普同添一歲舉如意云且道這個還添一歲否顧左右云甘雨和風堯天舜日景星慶雲民安國泰揮如意下座

解制師拈拄杖云亭梅獻玉堤柳呈金月耀中天燈紅徧地衲僧得意開懷禪和滿腔歡喜扁擔活如龍草鞋雄似虎三川兩浙五湖四海觀山玩水快樂優游優游則不無忽遇無面目漢攔胸揪住畢竟作麼生道若果道得不負擔囊如或未然還須按下雲頭奮振精神究徹本底根源以撐佛祖門戶豈不慶快平生較之隨人起倒打誑過時何啻霄壤者哉舉頭天外看誰是個般人擲杖下座

上堂師拈拄杖云風和日暖鳥語花香草木增榮溪頭源活清平世界本不假於干戈良醫門前實有多般病者空本無內任從雲霧以卷舒月體非虧悉聽缺圓而互異須彌頂上大覺光中十字街前真如海

裏增一些子不得減一些子不得減不得處加增增
不得處加減法隨法轉法界隨處建立開善友之寬
內闢空生之坦路七寶池中添八德九品蓮開一境
功圓空二諦三根曾被薦先靈於當場金不博金轉
妙義於今時水不洗水融凡聖之邊疆銷眾生之界
限好肉不剝瘡鉢孟休安柄生時無處滅亦何歸一
段眞光徧界闡暉無脚鐵牛今踣跳清明三月柳花
飛空中聞鳥道水底辨魚蹤第一義何歸鐘鼓鬧哄
哄恁麼見徹不負七七之功助如斯了達堪報罔極
之大德酬天達地報本薦親郭宗林大善信闔眷眞

誠不屬顯不屬祕拙天甯搖昏鼓舌春深百花開石
頭路轉滑揭露任觀瞻非法非非法開權顯實覺地
揚靈大功告成週隆一事火宅門外佈三車窮子衣
中珠畢現全體無遮千眼莫見且道 皇清詰封宜
人晉封恭人顯繼妣周太恭人畢竟超生何地一把
柳絲收不得和煙搭上玉欄杆欲問恭人生何處前
三三與後三三擲杖下座

上堂師拈拄杖云萬象森羅一鏡開無邊刹海歎奇
哉明明不是修崇得且喜知音共徘徊山花開處處
綠水響潺潺紅日照熙熙黃鶯啼歷歷無人亦無我

非色亦非空一句現當軒沙界通收攝蘇州吳縣鳳
凰鄉信女尤門許氏不味久蘊靈根宿植德本於此
一事早已了了精誠奮起於初心懇禱虔祈於覺帝
之西竺之迦文入天甯之梵刹延六和之僧伽轉無
上之妙諦開空法道廓淨塵渣大起華筵虫陽普利
報薦鏡裏之先親七祖九宗登極樂銷融空花之病
苦千災百障盡蠲除壽同泰嶽福等滄瀛不施而施
無得而得拄杖子無處囊藏烏籛兒和盤托出祇圖
共見共聞那管吳地常地絕躋攀沒蹤跡非去來無
所得任憑屬目以觀瞻悉聽開顏而歡悅優曇現瑞
猶天香綠艷紅妍徹底彰無限恩波誰收拾猶龍從
此起夜塘卓一卓下座

冶開鎔禪師語錄卷第二

冶開鎔禪師語錄卷第三

嗣法門人顯澈編

上堂師拈拄杖云曠劫至今來分毫未曾隔捨之既無從取亦不可得多少人向者裏遲疑多少人向者裏跳出跳出者任從跳出遲疑者任從遲疑豎拄杖云且道者裏事畢竟如何是跳出耶遲疑耶良久卓杖云直饒鶩子當前滿慈臨座到者裏也分疏不下淨名祇有杜口釋迦惟事掩室作家上座未動已前早已了了設或擬議竚思拄杖子不免重行註破卓杖云會麼門庭洞啟事具千般曲徑傍通理無二致

任從龍象以雲璣悉其殊途而並轍上而諸佛聖賢
中而天人種類下而蜎飛蠕動世出世間善惡垢淨
一切諸法今被無錫楊門薛氏孺人徹底掀翻全身
畢現却要天甯高陞寶座對眾從頭一一證據天甯
至此縱目徧觀天是天地是地人是人物是物聖是
聖凡是凡壽山高而增聳福海深而添波丹桂芬芳
芝蘭茂秀各安其安各樂其樂分毫未差分毫未錯
一氣不言含有象萬靈何處謝無私天甯恁麼酬報
與大護法合眷人等啟建樹福延齡水陸大齋道場
圓滿功德還相應也未不因狂瀾漁父引焉能徹見

大波濤卓杖下座

佛誕師拈拄杖云雲從龍風從虎聖人作而萬物睹
東園房兩尊土地甜瓜徹蒂甜苦瓠連根苦山門前
一雙石柱有意氣時添意氣不風流處自風流恭敬
者恭敬禮拜者禮拜稱揚者稱揚讚歎者讚歎以棒
打殺者以棒打殺一生怕見者一生怕見且道畢竟
如何卽是拈杖云富嫌千口少貧恨一身多卓杖下
座

結夏師拈拄杖云斬釘截鐵應時應節一句道穿空
中添楔現前明眼衲僧當場自能辨別逍遙圓覺伽

藍優游舍那門戶踏毘盧之頂顛越生佛之閭奧是其人方能其事昔日南嶽初見六祖祖問甚麼物恁麼來答曰說似一物卽不中祖云還假修證否曰修證卽不無染污卽不得祖云卽此染污不得諸佛之所護念諸仁者委悉麼夏來春去秋轉冬移事逐人興法因時建卉木茂而蒼千葩繁而實徧界盡芬芳個中非出入包裹萬有囊括大千非滅非生非來非去且道結夏一句畢竟如何千聖說不到諸祖莫能測擲拄杖下座

解夏師拈拄杖云人人有一物從來不曾失五眼莫

能觀千手拈不出應用普徧該推尋轉成隔貴尊無比倫非竒亦非特內無心外無質無滅生非空色天甯一夏少商量試問諸人識未識若云已識未免頭上添若云未識又曾當面違且道畢竟若何卓杖一下云九旬雖云滿個事義深長金風但襲體徧界悉清涼卓杖下座

中秋師拈拄杖云青光滿目塵刹徧週亘古亘今誰曾欠少十五良夜圓滿交輝初八二十三半圓半缺眞圓非缺眞缺非圓既能缺而復圓更轉圓而復缺是知眞體非缺非圓非隱非顯非滅非生非來非去

今朝慶賞中秋舉世敬月衲僧門下隨例附和附和
則不無試問畢竟如何是真月拈拄杖云塔前蛩韻
聲咭咭玉露飛空黃葉飄置杖下座

貼單師拈單票云全體現分明舉眼當下見個裏本
無私人人具一片東勝神洲西牛賀洲北瞿盧洲賢
者愚者明者暗者迷者悟者今朝通同和會排列兩
邊標本地之風光作人天之榜樣顯從上之宏徽啟
後賢之眼目惟願莫負個中共持德以挽頽便貼
結制師拈拄杖云賓鴻陣陣黃葉飄飄籬菊爭妍芙
蓉競麗衲子抖擻精神叢林開爐結制內外共振雄

威徹底不爲別事不爲禪不爲道不爲智不爲覺不
爲佛不爲祖乃至不爲邪正明暗偏圓色空生滅取
捨語默動靜一切不爲且道畢竟所爲何事不從故
國親臨過焉得清風滿長安擲杖云叅

起七師執香板云奮冲天志竭大海波舒拳雲手展
追風足一擊百重關鎖開是聖是凡俱勦絕以香板
擊地云起

解七師按竹篋云空裏捕花水中捉月十四晝夜未
曾住歇脚跟下草鞋張口肩頭上香板吐舌井底蝦
蟆跳上天岩前石虎鬪未徹歇歇停旗息鼓安家樂

業置竹篔下座

臘八師拈拄杖云箭鋒相值針芥投機因緣會與體
理通現明頭合暗頭合難經檢點事無差理無差事
理無差終從敗闕輝天鑑地耀古騰今既振發於西
乾復闡化於東震多少人向者裏開顏多少人向者
裏絆倒拈提播弄抑壓貶剝歌頌稱揚逆施順展拈
杖云總出天宵罔積不得顧左右云委悉麼字經三
寫烏焉成馬劈開華嶽連天碧放出黃河徹底清喝
一喝拽杖下座

除夕師拈拄杖云舉世忙忙徧界碌碌各營其營各

業其業得者失者盈者虧者成者敗者陞者降者通
年週羅將來不啻恆河沙數惟有拄杖子曠古至今
從來無盈無虧無得無失無敗無成無陞無降舉拄
杖云諸仁者看看這是個甚麼古德云喚作拄杖子
則觸不喚作拄杖子則背不觸不背畢竟喚作甚麼
良久卓一下云明眼高人絕不向這裏採根城上鑿
鑿敲臘鼓毘陵戶戶換桃符擲杖下座

元旦師秉如意云宣敷勝德統御萬邦大神人元初
兆首皇猷壯佈六合奠安監國君宏圖祚始天得蒼
以清地得一以甯蒼生得一天下太平衲僧得一如

何施設舉如意云 新聖主彌天壽算 攝政王億
萬千秋國界安甯兵革銷風調雨順民安樂揮如意
下座

爲定後堂大師起龕師拈拄杖云四十九年居塵世
三十一載被衲衣借水行舟中邊不住南天台北五
台現普賢文殊大人之相東三江西四川蓮寶頭盧
取鉢妙用示維摩詰之權衡揭須菩提之面目廻我
圓寂後堂定行大師生平作略所以輔弼叢林接
引後學不矜不矯盡善盡美處已處人如事如理如
鏡中花如水中月來無所拘去無所滯聲華不動萬

若春和晏息身心皎同秋月截從上之葛藤不勞彈
指裂誦訛之公案何須一咳啟後承先徹本窮末自
始至終無得所得今日收釣罷竿向新歲光中展開
脚步共無量聖賢同優游於華藏世界且道送行一
句又作麼生鐵牛咬斷珊瑚樹三脚驢兒出幽谷擊
龕云起

舉火執火炬云四大本來空五蘊原非有鮎魚上竹
竿蝦跳不出斗舉火炬云個裏迸出一星星剎利塵
塵一齊吼投炬便燒

解制師拈拄杖云冬結春解解因結結解年年未曾

缺只緣未達本源真故此頻頻互轉折今朝又值解
制期本有家風全漏洩明眼衲僧自了知木人親向
石人說說者忻聽者悅驚起禪和心頭熱擔囊負笈
雄糾糾各走長途勤跋涉不知放下樂優悠空向天
涯求真訣直饒求得時依舊非正業天甯今日不相
謫一句投機全身歇且道是那一句昨日立春今朝
燈節置杖下座

上堂師拈拄杖云靈光獨耀體露真常大用當前了
無邊際明頭合暗頭合應現無差事圓融理圓融如
如自在發妙境於龍城起嘉祥於滬上展從土之關

宗轉聖凡之閭奧不有其人焉成其事所以教中云
諸法不自生亦不從他生不共不無因是故說無生
今迺 盛恩頤大護法敬爲 皇清誥封夫人顯妣
刁太夫人資冥生蓮啟建法界聖凡普利冥陽水陸
大齋道場七晝夜功德藉此殊勛上報慈恩下資三
有併薦本姓宗親同登蓮界今當圓滿之期敦請山
野宣揚法要敢問諸仁者且道法要作麼生宣楞嚴
經云但有言說都無實義既無實義宣個甚麼世尊
云我說法四十九年未說一字既未說着一字四十
九年畢竟是有說耶是無說耶若言有說何以云未

會說着一字既言無說何以又云說法四十九年是
個甚麼道理試檢點看良久云者裏見徹分明佛法
便是世法畢竟如何咄拽拄下座

上堂師拈拄杖云昔日梁武皇帝請傳大士講金剛
般若經大士陞座以尺揮案一下便下座誌公謂帝
曰陛下會否曰不會誌公曰大士講經已盡傳大士
怎麼設施可謂直截痛快惜乎梁帝未曾具眼若非
誌公傍通幾乎勞而無功雖然也是一場懨懨諸仁
者且道那裏是大士所講之經拈拄杖云委悉麼杖
頭有眼明如日無限波濤脚底收卓杖又云所以教

中道於一毫端現寶王刹坐微塵裏轉大法輪雲門
云盡大地是解脫門把手牽不入盡大地是涅槃路
倩人行不得吾人終朝舉足下足展手握手瞬目揚
眉着衣喫飯是甚麼道理茲際建清淨之壇場設莊
嚴之法相誦千佛之金言禮萬聖之尊號是個甚麼
道理闌幽發覆趨靜屏翳報本培元移忠作孝演無
言之旨暢刼外之宗握未兆之機拆虛空之骨惟有
過量大人方能徹底擔荷全身撥入始可展大作爲
顯大手眼攬長河爲酥酪變大地作黃金移東土爲
西方轉凡軀成聖質不遺分毫之力便能隨處示現

逆展順施無不合轍雖然如是卽今盛昌頤觀察敬薦 皇清誥授夫人晉封一品夫人顯妣董太夫人暨及宗寶公子敬薦 皇清誥授奉直大夫同知銜顯考和頤府君并薦 皇清誥封宜人顯妣夏太宜人二壇水陸大齋道場同時合建今當圓滿且道受薦尊靈畢竟高生何地卓杖一下云踏破大海全是水虛空端不受顏色便卓杖下座

上堂師拈拄杖云雲駛月運舟行岸移折花兼蝶至買石得雲饒昔日韓文公訪大顛禪師問曰某甲軍州事繁佛法省要處乞師一語師良久侍者敲禪床

三下師曰作麼侍者曰先以定動後以智拔公曰和尚門風高峻某甲於侍者邊得個入處文公恁麼得入大似貪觀天上月失却手中橈大顛與侍者雖是善酬機宜未免通身泥水且道節目在甚麼處常憶江南三月裏鷓鴣啼處百花香事是恁麼事人須恁麼人若無恁麼人難行恁麼事錫邑青城鄉薛邦楨大檀越敬同岳母楊門薛氏太孺人一片慈誠來寺啟建法界聖凡普利冥陽水陸大齋道場二壇十四晝夜功德用薦 皇清誥封恭人晉封淑人繼室楊淑人轉凡軀成聖質易娑婆爲極樂今當圓滿請宣

第一義諦若論第一義諦大檀那未舉一念以前早已完備了也若待此時豈止落七落八雖然也要畫蛇添足一上卓杖一下云會麼僧問趙州云如何是祖師西來大意州云庭前柏樹子僧云和尚莫將境界示人州云我不將境界示人僧問如何是祖師西來大意州云庭前柏樹子老趙州披肝露膽和盤托出今日當場貴圖現前與諸仁者共見共聞見聞且置不負來機一句如何無毛鷄子徹天飛大地虛空一團鐵擲杖下座

佛誕師拈拄杖云過去心不可得現在心不可得未來心不可得釋迦老子面目諸仁者還見否若見卽爲見所礙若不見卽爲不見所礙若亦見亦不見卽爲兩頭所礙且道畢竟如何良久云金剛圈栗棘蓬殺人刀活人劍一年一度浴香湯只要人人知恩德喝一喝下座

結夏師拈拄杖云清和令節境清和清境靡涯孰較他滿目青山誰是主十方團聚唱哩囉內也安外也安高也安低也安閒忙動靜順逆是非服力執勞運籌闢劃一切皆安且道拄杖子還安否若道是安死水浸身若道不安又成違背敢問作何區處良久云

護生三月九旬日個裏機關切要親妙義顯明原身
徹同居努力奮精神擲杖下座

上堂師拈拄杖云一毫頭上現全身無我相無人相
過現未來障冰釋非佛法非世法明如果母寬若太
虛圓陀陀光灼灼赤灑灑沒可把千奇遇之銷鎔百
怪攫之絕跡不可得而知不可得而識雲門扇子踔
跳上三十三天觸着帝釋鼻孔東海鯉魚打一棒雨
似盆傾敢問現前諸大仁者盛大護法杏菴宮保啟
建法界聖凡水陸普度大齋道場超薦累生冤牽解
冤釋結不職姓名男女等靈魂超薦上海科橋盛第

從前一切地主男來善靈魂併薦滬上水湖火焚一
切被難等靈魂以上各各靈魂際斯無上因緣承斯
善利卽今在甚麼處立脚東山水上行西河火裏坐
溪西雞齊啼屋北鹿獨坐顧左右云委悉麼無遮會
大啟不二門洞開千山勢到嶽邊止萬派聲歸海上
消卓一卓下座

上堂師拈拄杖云日面佛月面佛華台鋪錦事圓成
理圓成寶藏裝嚴蓮扶夫之手展利濟之心調化有
方悲憐莫極救災恤難拯苦振饑解厄扶危匡時衛
世利冥陽以報薦宗親培本元而綿昌後葉有求皆

遂無感不通檀波羅蜜尸波羅蜜羸提波羅蜜毘梨
耶波羅蜜禪波羅蜜般若波羅蜜先佛後佛先聖後
聖世出世間一切諸法今被盛門莊夫人周羅將來
一串穿卻敦請天甯對眾展佈及乎天甯對此縱且
徧觀已被諸太上座早已逗漏了也於七晝夜間鐘
中鼓中樞中磬中歌韻讚揚中一一聲中流出無量
妙法一一法中演出無量妙義塵說利說熾然說無
聞歇不可得而思不可得而議莊府堂中先遠歷代
昭穆宗親併及法界之內一切情與無情無量無邊
眾生若幽若顯若聖若凡同圓種智共證佛果圓滿

菩提歸無所得敢問現前住者畢竟以何為驗豈拄
杖云委悉麼知音不用頻頻舉一盞清茶也醉人卓
一卓下座

解夏師拈拄杖云徧界無遮舉世無失逐境紛紜莫
知所自適見烈熱燻天又扇金風拂暑叢林下布袋
解開禪和子腳頭路活路活卽不無祇如洞山云夏
末秋初諸兒弟東去西去直須向萬里無寸草處去
且道萬里無寸草處作麼生去昔有石霜去出門便
是草有汝陽云直饒不出門亦是草漫漫地試問萬
里無寸草處畢竟作麼生去拈杖云三山半落青天

外區水申發白鷺洲此際若能親見得一聲長嘯天
地秋卓杖下座

中秋師拈拄杖云無量百千妙法紅菱角上展開一
千七百葛籐藕絲孔中收納寒蟬無語鶯韻吟秋岩
桂芬芳香風撲鼻寒山云我心似秋月澄潭光皎潔
無物堪比倫教我如何說先師定老人云我心非秋
月無得亦無說牛矢比麝香南無佛陀耶茨甯則不
然非心亦非月皎皎光明潔徹底一輪輝處處同歡
悅卓杖下座

上堂師拈拄杖云誠真挺特勁節高標丹桂飄香金

風徧野有本有據源遠流長有作有爲廣興眾善開
三乘之根門啟一真之坦道具萬德之莊嚴集千祥
之嘉境壽山高而增聳福海深以添波奕葉芳芬綿
永無極此我丁錫鼎大護法率領善眷人等敬爲慈
母丁門陳氏孺人六旬大慶樹福遐齡來寺啟建法
界聖凡水陸普度大齋道場七晝夜四十九堂功德
開壇場七處延五德之淨侶設六種之珍饈盡十界
之真際香焚牛首花獻優曇食供酥酪果陳上品齋
天齋王供佛供僧利冥利陽利幽利顯冀慈光以照
臨仰慶雲而映庇諸障全消眾福畢備九祖先靈蓮

界高登異途諸趣眞常共證今當圓滿敬設香齋特
請山野對眾展佈舉拄杖云見麼卓杖云聞麼既見
既聞是個甚麼三平云卽此見聞非見聞無餘聲色
可呈君個中若了全無事體用何妨分不分所以釋
迦世尊昔日於靈山會上拈花示眾百萬人天莫知
所措惟迦葉尊者破顏微笑世尊云我有正法眼藏
涅槃妙心付囑摩訶迦葉正恁麼時且道付個甚麼
樹玄猷於闍外還他作者行祖令於實中須是其人
恁麼見徹慈孝雙彰自他併利凡所作爲悉皆如意
雖然如是卽吟咏陸圓滿請法土堂因齋慶讚一切

作麼生道智花福果證雙圓裕後光前樂綿綿卓杖

一下下座

冬至師拈拄杖云個事絕商量不假修爲得一切盡
現成幾人知端的昔日王常侍到臨濟僧堂前經過
問濟云這一堂師僧總教伊作麼濟云教伊成佛作
祖常侍云金屑雖貴落眼成翳濟云將謂是個俗漢
收放縱奪讓他臨濟好手徹底洞源還許常侍具眼
送右顧鵬雲諸上座委悉麼冬至一陽生百福普天
匝地慶昇平卓杖下座

起龕師拈拄杖云六十三年前無所來而來漚生大

海六十五年後無所去而去影滅長空正當六十三
年花放春臺梅開雪嶺月朗秋高泉流深谷順世境
以開敷應時機而展演有時把住有時放行有時恁
麼有時不恁麼或是非人不識逆行順行天莫測
任運騰騰隨緣落落洞山麻三斤用出當機趙州乾
屎橛幾人知曉馬祖鹽醬寶壽生薑瀉山米裏有虫
這都是我 明首座和尚一生扶豎宗乘家常作畧
所以數十年來常任重興整飭經營擴充事業接待
方來提持後學一切作爲一切設施不避勞怨竭力
維持正期大用浩蕩妙智週圓龍天道場深賴輔助

詎料不動聲華不露鋒芒倏忽之間卽已罷竿收鉤
頭然常往出人意外若非夙具大願久集密行焉能
如是者也今者 諸山長老閤寺海眾齊詣恭送令
我追思莫及雖然古德有云百尺竿頭坐的人雖然
得處未爲真百尺竿頭重進步十方世界現全身丟
杖合掌云請

舉火師執火炬云八萬四千法門一千七百公案世
法出世法善法不善法一切諸法到這裏俱用不着
且道如何卽得待看火滅煙銷後剎剎塵塵現分明
便燒

黃山掛鐘板師執板槌云千古道場今展開十方諸佛讚善哉若非忍苦勤勞力焉得光明徧界輝豎板槌云見麼這是常和老和尚重建黃山梅檀禪寺忍苦耐勞五十餘年成就道場一片心力十方諸大護法遠近善男信女竭力扶持圓黃山道場一片真誠達定和尚禮請諸山長老宏揚妙善戒法報答師恩廣化羣品勤勤懇懇一片真據天甯到此歡喜無量特爲拈出令見者聞者皆發菩提之心俾施者受者共證無上佛果願寰宇之內四海昇平祈闔境之中家家安樂梅檀道場萬古興隆在會諸仁增

延福壽今者人天衆集四海歡騰法界光華普被無量且道報本發揚綿永無疆畢竟功助在于何處舉板槌云高着眼看擊板一下鐘一下木樵三下問訊云如是如是

封龕師拈封条云樸實本真古典型示人模範輔天甯重興事業全完備結制開爐便西行恭惟圓寂首座永明都監决師趁大願輪遊於幻世扶樹法幢振新事業昭朕跡於福建汀州三空罕了圓羅於浙省天童四智深明慕善財之尋叅契普賢之行海佐天甯不二法門興諸祖千年常住西十載法

法全彰三千界事事俱備建大功助成大事業克盡
忠貞始終無二任從眾務喧囂寸絲不掛縱使難定
紛繁毫無住著如杲日之當空似明月之映水不動
毫端安詳佈暑卽世境以達真如假眾緣而登解脫
不張名而名振寰區不矜功而功垂不朽不盡乎有
爲不住乎無作迥超乎凡情頓超乎聖解空有雙銷
如如不動權實齊蠲安然靜寂如斯妙用有誰知如
斯妙用誰能識如斯妙用啟後賢如斯妙用永爲天
甯千古萬古之規則清鑄至此復何言聊敬片誠作
標幟便封

封龕師拈封条云世壽宛同釋尊壽慈心直等佛祖
心今朝事事齊完備丹桂芬芳世界馨芬惟
圓寂重興太平堂上貫下道修公老和尚天真樸
直不事浮華秉松柏之姿賦岡陵之質現壽者之容
作眾善之則不住相而行布施不拘蹟而彰正道無
恩怨心忘人我相隨緣展演和光化導有時十字街
頭藉喧擾以明心有時疇畔溪邊覩烟光而悟道有
時開百丈之田有時湧多寶之塔有時體諸佛之慈
心有時愍眾生之疾苦有時濟急扶危有時救貧恤
難有時建大覺之琳宮有時造僧伽之紺宇般般爲

作種種設施一片真誠不可思議今者功圓果滿蓮池花開岩桂敷榮飄然西去天甯至此蕪一瓣香奠一盞茶聊表多年相契雖然如是且道末後一句畢竟如何舉封条云任從千聖難擬議普令現前共瞻仰便封

葛觀本居士

問明知萬法唯心何當念執着不悟或有時知而故犯不能自持有何方便去此迷境否壇經云去一切妄念卽能見性我們爲什麼不能去妄念呢歸之於業業是自作我又爲什麼要造業呢

△不象

答明知萬法唯心何當念執着不悟說是這樣說不是自己親證不中的明知萬法唯心何當念執着不悟這裏邊有個毛病要在不明白底地方參的不大死一番不得大活的把死的看得翻過身來纔可以相應這叫做死中得活這不是容易的事此地禪堂裏今晚起七我自同治十年到此地十一年打七看念佛是誰打了一個七用心一點都不醇和打完頭七到浴室裏洗浴有兩個老禪和也在洗浴悄悄談心一個說你七打得好一個說好哩我聽着心裏非常慚愧人家七打得好我連用心都不會用慚愧心

生自責自己用心不上。是甚麼道理呢。自答自己。你沒有真切用心。哪又自思。維還有一個七。這一七是絲毫。不把他放過的。於是澡也不洗了。立刻穿了衣裳。回到禪堂。就把個誰字。抱定一點不放鬆。一下子開禁了。自己知道。照此行去。吃茶便吃茶。甚麼也不問他。吃了茶。就跑香。抱住誰字。甚麼事不問。跑也不知道。跑成甚麼樣子。打站板了。班首講開示。我一點沒有聽。抱住話頭。打催板了。又跑。不知又跑成甚麼樣子。維那師在後打一下。忽然心裏起了無明念頭。一動。看見一黑團子起來。隨把話頭舉起。一打黑團子。

炸開。再提話頭。如同落在萬丈海底一般。個頭醒過來。人就空了。往後坐起來。話頭就醇和了。行起來自在得狠。站起來。鼻子裏連氣都沒有了。那時候我當湯藥。晚上睡了。早上總要人喊叫。已後睡着同醒時。一個樣子。行住坐卧一個樣子。自己舒服得不可解。那時記起順治皇帝的詩。百年三萬六千日。不及僧家半日閒。是的确確底。向後行住坐卧。不要用心。一點兩個多月。後來又當衣鉢。管賬。打了岔。退了。不像從前相應了。這是我頭一次得的利益。用心總要拚命的幹一下子。不捨死忘生的鬧一番。不中的。後

知本性清淨
甚麼又做
何拭工夫
一番死不
何方法

來到金山住禪堂。一天在禪堂裏坐。外邊放簾子。過
個放維那看着說放。我也放了一點說再放。我又放
一點說放到底。我就應念放到底頭一步踏着容易
來自在受用。隨後當執事分分心用起來還是這樣
明知萬法唯心何當念執着不悟不悟者是病要得
好呢。切切實實用一番心纔中啦。既知本鞋清淨爲
甚麼又做拂拭工夫。沒得一番大死不得大活的。要
真實受用。必得切切實實的做一番。

示馬觀源居士

你看萬法歸一。一歸何處。一歸何處呢。時時反問。誰

是總要成片。哪有心用無心得。必定要弄精楚。不精
楚不丟手。着話頭總要得。只是不能限定時間。必要
透徹。纔中間。基兩年前在國務院看指月錄。忽觀念
念不住。心心無知。言語覺一片清空。無量無邊。不見
有山河大地。不知我自身所在。心裏明明。白白念頭
却提不起來。俄頃醒過來。遍翻指月錄。並無念念。不
住。心心無知。二語。是何道理。答這是用功的人。纔時
觸着得來。自在受用的。長短久暫。均有因緣。的高。又
有個普修首座。光緒三年同在金山池住禪堂。我住
寮房。他跑到我這裏來求開示。那是不着興的我說。

你怎樣用心呢他說我看念佛是誰我說捨佛是誰
他說我說不來我說你就在那說不來的地方參適
逢打七第五天晚上一錘樵子打了話頭落實他行
跑坐卧就不同呢自在的樣子現出來了吃茶洗完
了脚我就說這回七完了的包子錢要你會東鄉他
說多謝師父一線到底這就是他看話頭禪的利益
切切用心當一樁事做他總要得的發切心有因緣
不在那個境界他也發不起來的金山有個老水頭
名叫永提菜頭有一條面巾不見了疑他偷的詈罵
水頭水頭就發了恨進堂坐香得了利益哪正是光

緒四年過冬我當維那八月二十三日晚上坐香他
跑來告假出堂去天亮的時候我去看他他上吐下
瀉對我說這病厲害得狠就坐了起來豎起腰脊又
使勁一直就去了
念佛看話頭一個樣總要打成一片纔有用哩這點
相應旁人的好醜看得出來到不得自受用的地方
用功很難的用功總要有切心不切不會成功的
發切心也有因緣時節總之這樁事總要做着纔行
不做着不得相應

答葛觀本馬觀源兩居士書十則昨接手示慚感無

△書信

身空年浮
夢幻世
轉瞬即逝

既切思貧衲道業荒蕪實行殊欠荷蒙青睞切切真誠露於言表貧衲滋愧良深十四晚到京十五大雨本欲造訪奈精神疲乏良友多苦於應酬却之徹寺要事急招故于十六早車逕直赴津稍事休息有負之處當乞恕之輒憶二大護法再來人也萬不可以自棄甯求其實毋求其虛近來尋枝摘葉向外馳求者多直達根本體貼入微者少行解相應名之曰祖蓋世界空華浮生夢幻極世尊榮轉眼即滅袁夫總統盡平生之才力謀至極頂五十八年而已我等與世人皆如此也故貧衲每與知己者相提掇無不以

此切切為前提六祖壇經直揭本源貧衲生平所宗二大護法竟能一肩擔荷心契神會此誠再來人也非具大根者不能如此若果於此切實着眼是則貧衲與二大護法未遠離也向後以道為宗能晤則晤否則賜教言以作面叙承招赴都本不應違唯精神缺乏良友甚多酬應實難以支持望恕望恕再者承云發心者多切思既不以貧衲無知見棄發心向道貧衲極其歡喜祈查明人數今番或晤或不晤隨後概以佛珠奉贈唯寄何處乞示明也
觀本觀源居士慧目手示敬悉因精神不足不能多

勞不能多言是以遲覆也。所言打成一片此事談何容易。非具斬釘截鐵之手段。百折不回之心腸。久而又久切而又切。或可少有相應。若是依徯越國彷彿揚州。正所謂古德云鎮州望曹門遠之遠矣。大丈夫立身於天地之間。不動則已。動卽一踏到底。豈同凡俗之輩。而支支離離也。

觀本觀源居士慧目津門奉別感念靡涯。彼時病魔勢在奪命。幸荷大力匡維。得梁君之妙葯力排波旬。而有今日。此皆至慈所致。蓋曠劫至今。我人之幻軀生滅互遷。昇降迭受。已不知幾恆河沙數。幸獲至道。

道入法海。離黑闇女功德天之牢籠。是在吾人精進與懈怠耳。愚意十六言奉呈。

普願法界同成佛

普願同獲大安樂

普願永住三寶光

普願廣修諸善業

普願永住解脫場

從今爲始至成佛

眼前幻境雖未斷

普願法界同此願

普願處處正法興

普願永斷諸大苦

普願永浴正法海

普願永依諸佛學

普願永登不退地

此心已決不改移

詰其根源體密寂

世世生生住佛住

觀源大居士慧目前接手示快慰無量蓋世人雖多能具高出之見者頗不易得居士能以金剛經資助精進此誠得其樞紐矣金剛經全文通前徹後直截痛快掃除一切無絲毫之粘染無絲毫之住著直露人人之本源無過此經承問二十七分之不字蓋全經均對於眾生而言因眾生處處住著不著於凡即著於聖不著於是即著於非殊不知凡聖是非名雖不同其執著是一也當知此執著即是眾禍之源所以十八分中云過去心不可得未來心不可得現在心不可得又十七分末後云通達無法者說名真

是菩薩其餘各分之中不稱讚此經之功德卽掃空諸執諸見唯二十七分撥轉調頭慮眾生入於偏空故示須菩提云汝若作是念如來不以具足相故得阿耨多羅三藐三菩提須菩提莫作是念如來不以具足相故得阿耨多羅三藐三菩提故此身之無斷無滅者正在於此所以云於法不說斷滅相也全經無非爲解粘去縛所以末後云一切有爲法如夢幻泡影如露亦如電應作如是觀此正顯第三分云我皆令人無餘涅槃而滅度之如是滅度無量無數無邊眾生實無眾生得滅度者蓋三界九有十二類

生皆是夢幻泡影。本無真實。幻妄所生。如人多貪。卽入於貪界。卽有種種之貪妄發生。一經覺悟。貪妄消滅。未曾覺悟之時。卽有種種之相生。種種之作爲。所以云。我皆令人無餘涅槃。而滅度之。當知貪境。貪相。本空。因妄而有。然妄無實體。了達此義。卽實無眾生。得滅度者。其餘各分。持久其義。自顯。奉上金剛經一部。權且誦持。容後有摺本。再行寄呈。照片三張。統祈檢收。熊督辦昨在敝會。與程雪樓葉爾愷。應德閔王一亭狄楚青諸君。晤商補助湘賑事宜。因前日常州敝寺有水陸大齋道場。今月初二日。方始圓滿。接至滬上。起念佛道場十四日。所以遲復也。

觀本觀源居士慧目去歲年底。李季直先生枉駕常州。承賜諸珍。均已敬領。心謝心謝。今正十三日至滬。接手示心喜無量。季直先生既不以貧稱。無知見棄。許爲同氣。茲奉上法名帖一分。以作同氣之證。并奉幻照二張。卽祈分贈。是荷。諸君既不以貧稱。無知見棄。敬祈力崇其實。同得大乘。是爲至幸。觀本觀源居士慧目。手示悉梁君事。誠屬意外。然佛法之實用。卽在此也。竊思我等未來之事。能一一了達否。若梁君能一一了達。早爲之趨避。何待受此最

使百千劫
造業不止
悔會過時
報還自受

有時受報
是終歸虛

痛苦之慘劇耶此實無法之事耳所以經中有云假使百千劫所造業不忘因緣會遇時果報還首受世間惟殺最苦僧家素食者正謂遠殺也君等於此切宜留意眼光心慮務求實際萬不可為俗見所拘如梁君之慘苦有誰能替也然則居此輪迴途中後來之吉凶禍福皆不得而知也惟有時時覺察此身終歸磨滅當知金剛經云一切有為法如夢幻泡影如露亦如電應作如是觀誠非虛語也梁君事貧病實抱愧不已祇得虔誦金剛經十卷祈寄焚於梁君位前以荅區區之意普願共入無餘涅槃也禰元先生

未晤此復

觀本觀源居士慧目快信敬悉天津梁先生前月二十五日其夫人黎氏函囑做功德三日設放焰口一堂觀初居士前月下旬在敝寺三日念佛二堂道薦先考及兄弟金剛經二部照片一張長珠十串短珠十串如不敷容後再寄觀一居士小龕佛像一尊已交觀初居士帶京面晤時一詢可也擺脫世緣遞絕肉食誠然不易竊思與六畜做交往抑其無趣生羊鷄猪所食何物住處如何其味雖美皆此中精華之所成也且殺劫命債已釀於此尤可懼也敬荷不

殺劫命債
尤可懼也

以無知見棄。故敢直言。望恕望恕。

觀本觀一觀源三位居士惠鑒。前由觀初居士來常承賜佳珍多品。均已收到。謝謝。唯路途遙遠。攜帶頗爲不易。貧衲願諸君心存實事。一舉一動皆存正道。一者自修二者感人。六祖大師云。行正卽是道。所以云正見之時。佛在堂。三毒之時。魔在舍。三毒者卽是貪瞋癡也。貪之不遂卽瞋。瞋之不捨卽癡。所以云捨。僞歸真去。偏存正。爲進道之始基也。然我等居此幻化世界之中。從幻入幻。幻生幻死。死幻生。幻無底止。欲出此幻化輪迴。非從佛道入手不可得也。蓋佛

道不向外求。專究根本。根本既得。諸幻銷滅矣。敬竊不以無知見棄。故具是說也。前函云有白文金剛經寄數本。以便旅行。易於攜帶。並長珠三串云云。因此經板在常熟。茲已托人請四本。並長珠三串。用特奉呈。卽祈檢收。是禱。

觀本觀源居士惠鑒。久疎音問。時增惦念。前次觀源居士問及古人言句一事。彼時因心緒不往。故未荅覆。抱歉之至。然則古人言句各有作用。或隱或顯。或是或非。唯具眼者方能了了。每遇一則公案。當前不能透過。不能了了。其病何在。未達實際耳。達者一見

便了。毫無如何若何之滯膩。若遇不了之公案。會者卽會。不會者但抱定自家本叅話頭。以悟爲期。不限年月。終有到家之日也。觀本居士匡維世道。誘掖後賢。藉假揚真。因事顯理。世法佛法。兩俱優美。自他并利。此誠菩薩發心也。再則敝寺今春傳戒。承蒙各大居士頒賜金佛瓶煙多珍。心謝心謝。各節情形。諒已由觀一居士面達也。此不瑣贅。惚惚上達不一。

觀本觀源居士道鑒。前接手翰。得悉精進行持。深增法喜。湘筠歸里省親。問亦痊善。據云本居士現審無住生心八字。能恆相應。久久自能悟入。又能發大慈

心喜。興學佛教辦法。是菩薩兼行六度法門。更增歡源居士從萬法歸一處諦審。何又生出欲求方便以解其縛之句。既有覺觀。念念不散。已屬歸一歸何的法門。這就是一大方便。此中誰縛誰解耶。當知本自無縛。今則無解。無縛無解。豈非歸一歸何的根據乎。工夫不可求速達。貴乎純淨不離。久久自有消息。湘筠居士帶上念佛珠二十串。各贈十串。其不敷送容再寄奉。

冶開鎔禪師語錄卷第三